



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.


պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

1905¹⁰



891.99

n-35

Nr. 23. ՀՐԱՑԱՐԱԿՈՒԹԻՒՆ ԱՅՐԻ ԱՆԱ ԲԱՓՓԻ . Nr. 23.

13 APR 2011

ՐԱՓՓԻ

Զ Ա Լ Ա Լ Ե Պ Պ Ի Ն

ՄԻ ՊԱՏԿԵՐ ՆՐԱ ԱՐԴԱԿԱՆՔԻՑ

ԵՐԻՈՐԴ ՏՊԱԳՐՈՒԹՅՈՒՆ



Հայոց
Արքայի թագավորություն
Կայսերական Հայաստան
1905

ՎԻԵՆՆԱ

Մ Խ Ի Թ Ա Ր Ե Ա Ն Տ Պ Ա Ր Ա Ն


1905.

24.08.2013


59.389



2899-90



Rufus



ԶԱԼԱԼԵԴԴԻՆ

(ՄԻ ՊԱՏԿԵՐ ՆՐԱ ԱՐՃԱՏԱՆՔԻՑ)



Ա.

այիս ամիսը 1877 տարուայ մօտենում էր իր վախճանին։ Ազբակայ¹ Հիանա գաշտերից մէկի վրայ, առաւոտեան մառախուղի միջից, հաղիւ երեւում էին մի քանի վրաններ, սեւ կապերտից պատրաստուած, որոնք բոլորաձեւ շարուած էին մինը միւսի մօտ, թողնելով իրանց մշտեղում բաւական ընդարձակ հրապարակ։ Տեսնողը առաջին անգամից կը կարծէր, թէ զրանք մի խաշնարած ցեղի չաղըններ են, որ զետեղուել էին այդ կանաչապարդ հովտի մէջ, իրանց անասունների համար արօտ գտնելու։ Բայց քանի որ արեւը բարձրանում էր, լեռներին պատած մառախուղը աւելի եւ աւելի նօսրանում էր, վրանների տարածութիւնը ընդարձակ հովտի

¹ Ազբակը տաճկական Հայաստանի գաւառներից մէկն է, որ սահմանակից է Պարսկաստանի Խոյ եւ Սալմաստ գաւառներին։

մէջ հետզհետէ մեծ քանակութիւն էր ներկայացնում։ Այս կասկածելի երեւյթը այն ժամանակ նրան բանակի ձեւ էր տալիս։

Եւ իրաւ, վրանների առջեւ ցցուած երեւում էին եղեգնեայ երկայն նիզակներ, որոնց ծայրերը զարդարած էին սեւ փետուրներով, իսկ հրապարակի վրայ անբացատրելի խռովութեան մէջ շարժվում էին զինուորուած տղամարդիկ, որոնց երեւնները արտայայտում էին կատաղի անհամբերութիւն։ Բանակից հեռու, դաշլր խոտերի մէջ, արածում էին բոլորովին պատրաստ, թափած ձիաներ, որոնց առջեւի եւ ետեւի ոտներից մէկը շղթայած էին բըխովներով ըստ փախչելու համար։

Վրաններից մէկի առջեւ, — որ իր մեծութեամբ եւ փառահեղութեամբ որոշվում էր միւսներից, — ցցած էր մի կարմիր զրօշակ, որի չորս անկիւնների վրայ կարդացվում էին, արաբական տառերով զրոշմուած, չորս անուններ՝ — Ալի, Օսման, Օմար եւ Աբուբէքր։ Խոլամի նախկին խալիֆանների այս չորս պատկառելի անունների մէջ տեղում նշմարվում էր մի սպիտակ ձեռք, որպէս օրինակ մի աներեւյթ աջի, որ իր հովանաւորութեան ներքոյ պիտի առաջնորդէր զինուորուած ամբոխը դէպի պատերազմի դաշտը։

Այս իսկ վրանի շուրջը հաւաքուած էր մարդիկների բազմութիւն, որոնք անդադար ել եւ մուտ էին գործում նրա մէջ։

Այնտեղ թանձր թաղիքի վրայ նստած էր միջաշասակ մի մարդ կրակոտ աչքերով եւ ալեխառն մօրուքով։ Նա ութից ցգոււխ հազնուած էր սպիտակ գունով, որ արեւելքում նշան է բարեպաշտութեան եւ մարդու անձնագոհութեան, որ իր կենդանութեան ժամանակ զգեցել

էր մահուան պատաճքը։ Ծերունու հաստ գոտիի աջ կողմից քարշ էր ընկած մի երկայն թասը էկ (տէրողորմեա) խոշոր հատիկներով, որոնք բաժանուած էին որոշեալ թուով խւրաքանչեր աղօթքի կարգը եւ համարը պահպանելու համար։ Իսկ գոտիի ձախ կողմից երեւում էին կեռ խէնջարի եւ մի զոյտ ատրճանակի ծայրերը, որոնց փողերն թազնուած էին հալեբեան վերարկուի տակ, որ անփոյթ կերպով ձգած էր նրա ուսերի վրայ։ Դլուխը փաթաթած էր սպիտակ ապարօշով (չալմայ), որի վրայ երեւում էին մետաքսեայ գեղին թելերով ասեղնագործած արաբական տառեր։ Նա նստած էր ծալապատիկ կերպով եւ ծնկների վրայ դրած ունէր մի կեռ թուր Դամասկոսի շէնքով։

Այս պատկառելի ծերունին իր արտաքին կերպարանքով ներկայացնում էր մի անձնաւորութիւն, որ կրում էր իր մէջ կրօնի ծերմենանդութիւնը, որպէս մի բարձր հոգեւորական, եւ պատերազմողի քաջազնական ոգին, որպէս հզօր զինուոր։ — Նա եւ չէյխ էր եւ զօրավար։

Նա նստած էր վրանի բարձր եւ պատուաւոր մասնում, որպէս նախապետ եւ իշխան, իսկ իր աջ եւ ձախ կողմերում կարգով շարուած էին մի քանի աղաներ հնագարեան զէնքերով։ Դրանց մերձաւոր ընտանութիւնը Շէյխի հետ արդէն ցոյց էր տալիս, թէ հասարակ մարդիկ չեն, այլ գլխաւորներն են այն ամբոխի, որ դրսում զետեղուած էին վրանների մէջ, կամ հաւաքուած էին հրապարակի վրայ։ Աղաները լուռ էին եւ խօսում էին այն ժամանակ, երբ Շէյխը խօսեցնում էր։

Շէյխի մօտ մի քաշքուլ¹ մէջ ածած էին թըղթերի մանր կտորտանք, որոնք միաշափ կերպով ծալած

¹ Մի անօթ, որ կրում են գերվեչները եւ պատրաստվում է հնդկական ընկուղի կեղեւից, կամ մի տեսակ ծովային խեցիեց, որ սեխի ձեւ ունի։

էին եռանկիւնի ձեւով։ Այս փոքրիկ ծրարները նման էին այն թալեսմաններին, որ ջագուկները տալիս են մարդկանց զանազան խորհրդաւոր նպատակներով։ Բայց իսկապէս կախարդական ոչինչ չը կար նրանց մէջ, այլ նրանց վրայ գրուած էին մի-մի տող Ղօրանի այն այէթներից, որոնց գօրութեամբ մարդ ազատ է մնում ամեն տեսակ չարից եւ փորձանքից։

Վրանի մուտքը բաց էր։ Դրաում գանուած բազմութիւնից մի-մի մարդ անդադար ներս էր դալիս։ Նա գեռ շնչի վրայ չը հասած, չոքում էր, երկրպատութիւն էր տալիս, եւ այնպէս չոքէչոք մօտենում էր Շէյխին, իր սուրը գնում էր նրա ոտքերի մօտ եւ ձեռքը համբուրում էր։ Յետոյ ծերունին առնում էր քաշքուլի միջեց եռանկիւնի ձեւով ծալած թղթերից մէկը եւ տալիս էր համբուրողնին։ Նա առանց ոտքի վրայ բարձրանալու, նոյնպէս չոքէչոք յետ էր դառնում եւ դուրս էր դալիս վրանից։

Այսպէս այցելուները անդադար մինը միւսի ետեւից, նոյն ծէսը կատարելով, ներս էին դալիս ու դուրս գնում։ — Ամեն մի քաջ, իր սուրը Շէյխի ոսների մօտ ձգելով, նուիրում էր նրան եւ փոխարէնը ստանում էր խորհրդական թղթերից մէկը, որ անխոցելի պէտք է պահէր նրան թշնամու գէնքերից։ Եւ այս պատճառով վրանից դուրս եկածին պէս, նա իսկոյն մի շորի կտորի մէջ դնելով, կարում էր իր աջ թեւքի վրայ։

Երբ թղթերի բաժանման գործը վերջացաւ, դրաում լսելի եղաւ մի թմբուկի ձայն, եւ զինուորուած բազմութիւնը ամեն կողմից շտապով սկսեց մօտենալ սրբազան զօրավարի վրանին։ Իսկ երբ բոլորը հաւաքուած էին, այն ժամանակ դուրս եկաւ Շէյխը։ Ամբողջ բազմու-

թիւնը աջ ձեռքը երեսին քաշեց եւ լուռ օրհնութիւն կարդաց (սալաւաթ)։ Այս գործողութիւնը մաշմետականների մէջ նոյն նշանակութիւնն ունի, որպէս քրիստոնեանների մէջ երես խաչակնքելը։

Որովհետեւ ուրիշ բան չը կար, ձիերի թամբերը միմեանց վրայ դարսելով, վրանի առջեւ կազմուեցաւ մի ամբիոն։ Շէյխը բարձրացաւ նրա վրայ։ Նա իր ձեռքում չունէր գաւազան, որ սովորաբար կրում էր քարոզի ժամանակ, այլ նրա փոխարէն բռնած ունէր կարմիր դրօշակը, որի գլխին փողփողում էր սպիտակ աջը չորս խալիֆաների անուններով։ — Այս դիրքը յիշեցնում էր այն հրաշալի երեւոյթը, երբ Արաբիայի մարդարէն անազատի մէջ առաջին անգամ բարձրացաւ ուղտերի թամբերից կազմուած ամբիոնի վրայ եւ խօսեց իր ողելից ճառը։

Շէյխի քարոզը սկսուեցաւ օրհնութիւններով, որոնց մէջ խիստ ջերմեռանդ արտասանութիւններով փառաբանվում էին Ալլահի, Մուհամմէտի եւ նրա գլխաւոր յաջորդների Օմարի, Օսմանի եւ Աբուբէքրի անունները։ Յետոյ սկսուեցաւ մի քաջալերական ճառ հետեւեալ խօսքերով։

“Ով հայամի որդիք, մեծ մարդարէն — փառք իր զօրութեանը — կոչում է ձեզ մի սուրբ գործի համար, կոչում է ձեզ պատերազմել իր կրօնի թշնամինների դէմ, որոնք սկսել են թափել Աստուծոյ ծառաների արիւնը։ (Եւ թող նղովեալ լինին նրանք)։

Վհատութիւնը, երկչոտութիւնը եւ կասկածը թող հեռու լինին ձեզանից, որովհետեւ երկիւղը Աստուծոյ զինուորների համար չէ։ Տէրը ինքը կը այց ձեր բազուկներին զօրութիւն, եւ թշնամու պարանոցները ձեր սրերի առջեւ կը կարատուին, որպէս չորացած հասկը հնձողի մանգաղի առջեւ։ Դուք ձեր ձեռքով կը բռնէք

նրանց գնդակները եւ դէպի իրանց յետ կը դարձնէք։ Զեր անձները պաշտպանուած կը լինեն երկաթեայ պարխաներով, որոնց ձեր աչքերը չեն տեսնի։ Զեզ աջակից կը լինեն կոտորող հրեշտակների աներեւոյթ գունդերը, որոնց մարդարէն ձեզ օգնութեան կուղարկէ։ Մեծ է հոլամի Աստուածը եւ բացի նորանից ուրիշը չը կայ։

Բոլոր գաւուրները պիղծ են Աստուածոյ առջեւ։ Նրանց կայքը, կեանքը, ընտանիքը, եւ ամեն ինչ, որ պատկանում է անհաւատներին, Աստուած մատնում է ձեր ձեռքը։ Յափշտակեցէք, կողոպտեցէք, այրեցէք եւ կոտորեցէք, որքանով կը լինայ ձեր սիրտը։ Աւարը եւ իր կրօնի թշնամիների արիւնը Աստուած հալալ է¹ անում սուրբ պատերազմի զննուորներին։

Զեղանից կը նկնին նրանք միայն, որոնց սրտերը կը մոլորեցնէ սատանան եւ որոնց հոգիները կը սառչն։ Երկշուները ատելի են Տէրի առջեւ։ Եւ աւելի ատելի կը լինեն նրանք, որ կը փախչեն կոռուի դաշտից։ Զեր թիւ կունքը չը պիտի տեսնի թշնամին։ Նա, որ Աստուածոյ համար է պատերազմում, սուրբ ձեռքում պիտի մեռնի։

Երբ որ ձեղանից մէկը թողնելու լինի պատերազմի դաշտը, այն ժամանակ Աստուած կը զայրացնէ կնոջ սիրտը, որը կանգնած չադրի մուտքի առջեւ, կը նդունէ իր տղամարդին այս խօսքերով։ “Գնա՛, հեռացիր, դու իւր այրը չես։ Ինչո՞ւ չեն տեսնլում քո վերքերը, ինչո՞ւ դու մենակ դարձար, ո՞ւր են քո ընկերները։ — Հեռացիր, նա իմ այրը լինել չէ կարող, որ անպատուեց իր գլուխերը։ Զը կայ մի աւելի դառն բան, քան կնոջ յանդիմանութիւնը։ բայց Աստուածոյ զզուանքը սարսափելի է։”

¹ Հաւալ համարվում են այն բաները, որոնք օրէնքով սուրբ են չեն արգելուած։

Սուրբ կրօնի թշնամիների արիւնի հոսումը հաճելի է Տէրի առջեւ։ Անհաւատների աւերակների ծուխը Նա ընդունում է, որպէս մի ողջակէզ, որից մուխը ուղիղ բարձրանում է դէպի Յաւիտենականի աթոռը։ Կոտորեցէք, որքան կը զօրեն ձեր բազուկները, այրեցէք, որքան կարող էք դուք։ Եւ ձեր կոտորածների արիւնի իւրաքանչիւր կաթիլի համբարքով դուք կը ստանաք մի-մի հուրի¹ Աստուածոյ ջէննաթի մէջ։

Մեծ է ուղղափառների Աստուածը եւ բացի նրանից չը կայ մի ուրիշ։

Եթէ ձեր վեր առած գերիներից՝ ձեր սրտերին հաճելի կը լինի ընտրել կնիկներ կամ աղջիկներ հարձանելու մաքով, — եթէ դուք ծառայացնելու համար կը նարեց պատանի սրտուկներ ձեռք ընկած գաւուրներից, — Աստուած չէ արգելում ձեզ, միայն այն ժամանակ, երբ նրանք կը նդունեն իւլամը։ Իսկ եթէ հաստատ մնացին իրանց մոլորութեան մէջ, ձեզ թոյլ է տրվում սպանել։ Զուգաւորութիւնը ուղղափառի մի անհաւատի հետ արգելում է Աստուած։ Իսկ Տէրերին, թէ նրանք կին լինեին եւ թէ այր, ինայել չը կայ։ Անհաւատութիւնը նրանց մէջ ամրացած է իրանց ցամաք ուկորների նման։

Արգար եղէք աւարի բաժանման մէջ եւ ձեղանից ամեն մէկը թող չը զրկէ իր ընկերին։ Մի մոռանաք Աստծուն բաժին հանել ձեր կողոպուտից, որովհետեւ Նրա հրեշտակները նոյնպէս պատերազմելու են ձեզ հետ։ Խնամք տարեք, եթէ մէկը ձեղանից հիւանդ լինի կամ

¹ Հուրի նշանակում է յաւերժական կոյսեր, որ ստանում են իսլամի արդարները Աստուածոյ գրախտի մէջ, որպէս վարձատրութիւն։ այս հրաշգեղ նիմֆաներից աւելի մեծ բաժին ունեն նահաւակները։

վերաւոր, որովհետեւ դուք ամենքդ եղայլներ էք այդ սրբազն դրօշի տակու:

Դեռ եւս երկար խօսում էր Շէյխը, կանգնած իր ամբիոնի վրայ, որպէս հալամի մարմնացած ողին, որպէս հալածասիրութեան եւ մոլեուանդութեան մի կենդանի օրինակ: Նրա ձայնը ազգու էր եւ սուր, իսկ բարբառը զուրկ չէր ոգեւորող պերճախօսութիւնից: Ղօրանի աշակերտը, — որի մէջ այնքան բանաստեղծական յափշտակութեամբ երգվում է որ բաղան պատեր ազմը (Ձահաթ) իր բոլոր արիւնային գոյներով, — Ղօրանի աշակերտը միայն կարող էր այսպէս ոգեւորել մի վայրենի բազմութիւն մարդկանց մորթելաւ համար:

Շէյխի ճառը մի համառօտ եղակացութիւն էր այն աստուածեղէն գրքի բովանդակութիւնից, որին հետեւում է ամբողջ մահմետական աշխարհը:

Երբ վերջացրեց նա, կրկին դարձաւ գէպի բազմութիւնը այս խօսքերով.

“Աստուած ձեզանից ուխտ է պահանջում, եւ թող ձեզանից ամեն մէկը կատարէ իր երդումը”:

Նցն միջոցին ամբողջ բազմութիւնը վեր առաւ գետանից մի-մի քար եւ ձգեց հրապարակի վրայ, ուր բարձրացաւ մի աշազին բլուր, որպէս արձան մի սոսկալ ուխտադրութեան: Եւ այս գործողութեան ժամանակ օղը թնդաց հաղարաւոր ձայներից, որոնց խառնակութեան միջից պարզ որոշվում էր այս խօսքը. “Եւ թող մեր թալախը¹ այս քարի նման ձգուած լինի, եթէ հաւատարիմ չը մնանք սուրբ գործին”:

¹ Թալախ նշանակում է բախտ կամ ամուսնական կապ. Նա քանդուած է համարվում, երբ քուրդը նրա անունով երդուելուց յետոյ ուխտազնց է լինում: “Թառը իմ կինը ինձ հառամամատ (արգելուած) լինի,

Երբ բոլոր արարողութիւնները վերջացան, Շէյխը կրկին կարդաց օրհնութեան մաղթանք եւ իջաւ իր բեմից: Նա կրկին մտաւ իր վրանը:

Նցն միջոցին կրկին լսելի եղաւ թմբուկի ձայնը: Ամեն մարդ վազեց իր ձին նստելու, վրանները հաւաքուեցան, եւ մի քանի ժամից յետոյ ամբողջ բանակը պարապատ էր ձանապարհ ընկնելու: Նա շարժուեցաւ, երբ Շէյխը իր ձին նստած, կարմիր գրոշակը ձեռին, առաջ ընկաւ:

Այն ժամանակ նրա դէմքը ծածկուած էր մի սպիտակ երեսկալով, որ անհաւասների աչքերը չը տեսնէին նրա սուրբ երեսը: Աւելի քան տասն հազար քուրդեր հետեւում էին այդ սարապիելի ծերունուն: Գունդերի ետեւից տանում էին մի շարք ուղտերը, որ բարձած էին փոքրիկ թնդանօթներով:

Այսպէս սկսուեցաւ Շէյխ Քալալէդղինի արշաւանքը գէպի տաճկական Հայաստանը:

Բ.

Անցաւ մի ամբողջ շաբաթ:

Մի տղամարդ գալիս էր Վանից գէպի Աղքակ բերող Ճանապարհով: Դուրս գալով Խօշաբի ձորից, նա արդէն հասել էր Զուխայ-Դաղիկ կոչուած լեռնային անցքը: Տղամարդը մենակ էր: Նա գալիս էր ոսով, եւ այնքան արագընթաց, կարծես, մի բան շատավեցնում էր նրան:

Դա մի երիտասարդ էր, որի տարիքը դեռ նոր էին մօտենում երեսունի: Դէմքը գորշ-դեղնագոյն էր, լերկ եւ

ասում է քուրդը, եթէ չը կատարեմ խոստմունքսոց: Ամուսնական կապը նոյնքան յարգելի է քուրդի համար, որքան մի քաջի համար, որ ունի ասպետական զգացմունքներ:

բոլորովին անմաղ այտերը ցամաք էին, իսկ ծնօտքը զգալի կերպով դուրս էին ցցուած։ Բարակ եւ նոյնպէս գորշագյն շրթունքի միջից շատ անգամ երեւում էին ձիւնի պէս սպիտակ ատամները, այսպիսի ատամներ ունենում են միայն նեգրները։ Գլուխը պատած էր սեւ գանգրաւոր մազերով, որ թափվում էին արեւից այրուած մերկ պարանոյի վրայ։ Շակատի վրայ երեւում էր մի խոր սպի, որ տալիս էր նրա վայրենի դէմքին մի ահաւորութիւն։ Բայց չը նայերով իր այլանդակութեանը, այդ այրական դէմքը ունէր իր յատուկ գեղեցկութիւնը, որ արտայատում էր կտրչութիւն, համարձակութիւն եւ կատաղի անդժութիւն։

Երիտասարդը բարձրահասակ էր, ցամաք եւ նիշար, բայց զարգացած ուկրներով եւ ամուր մինչին կազմուածքով։ Նա հագնուած էր քուրդի ձեւով եւ գտնվում էր կատարեալ զինավառութեան մէջ։ Ասիական հրացանը, կեռ թուրք, մի զյդ ատրճանակներ, թիկունքի վրայ ձգած ահազին երկաթեայ վահանը եւ երկայն նիզակը կազմում էին, կարծես, նրա մարմնի մի-մի անդամները։

Նա գնում էր, եւ երբեմն կանգ առներով, լի մոտախոհութեամբ նայում էր իր շուրջը։ Աեռների կանաչազարդ պատիերները չէին, որ զրաւում էին նրան։ Նա գեղասէր ձաշակ եւ բնութեան հրապուրանքը զգալու ընդունակութիւն չունէր։ Բայց նա զարմանում էր, տեսնելով, որ իր ծանօթ լեռները բոլորովին դատարկ էին։ Տասն օր հաղիւ կը լինէր, որ նա մի անգամ եւս անցել էր նոյն ձանապարհով, այն ժամանակ այսպէս չէր, այն ժամանակ բոլորովին ուրիշ տպաւորութիւն էին գործում ոյն գեղեցիկ լեռները։ — Խոտաւէտ արօտներում արա-

ծում էին ոչխարների հօտեր, ձորերի մէջ կազմուած էին խաշնարած հայերի վրաններ, եւ հովիւների սրինդը հեռուից հնչվում էր թռչունների առաւտեան ձայների հետ։ Այն ժամանակ հովիաների եւ լեռնադաշտերի վրայ հողագործ հայը, իր սովորական երգը երգելով, վարում էր, եւ կամ հնձում էր։ Մի խօսքով, մարդը բնութեան հետ միանալով, անլնդհատ եւ քաղցր աշխատութեան մէջ էին։ Իսկ այժմ։ — Այժմ ամեն գործ գադարել էր։ ոչ մի շունչ չէր երեւում։ Նոյն իսկ ձանապարհը, որով գնում էր նա, թափուր էր մնացած յաճախ անց ու դարձ անող քարաւաններից։ Ի՞նչ էր պատճառը։ Կարծես, մի չար եւ ոչնչացնող ձեռք անցել էր այն ընդարձակ տարածութեան վրայով, իր յետքից թռինելով աւերակներ եւ ամայութիւն...

Երիտասարդը զգաց սարսուոի նման մի բան, եւ նրա արեւից այրուած գորշ գէմքը գունաթափուելով, ստացաւ մյուտ գեղնապղնձի գոյն։ Երկիւղը չէր, որ այնպէս վրդովեց նրան, երկիւղ ասած բանը ծանօթ չէր նրա երկաթի սրտին։ Բայց նրա մէջ վառուեց մի կիբք, որ աւելի նման էր կատաղի բարկութեան։

Ճանապարհը այժմ ոլոր-մոլոր պատոյտներով բարձրանում էր գէպի սարի զառիվերը։ գագաթից երեւացին նրան նիզակի սուր-սուր ծայրեր։ Եւ փոքր ինչ ցած իջնելով, տեսաւ, որ իր առծեւը գնում էին մի խումբ ձիաւորներ։ Երեւի, ձիաւորներն նոյնպէս տեսան նրան, որովհետեւ կանգնեցին, մինչեւ կը հասնէր մենաւոր Ճանապարհորդը։ Բայց գեռ մէջտեղում բաւական տարածութիւն կար։

Երիտասարդի ուշադրութիւնը գրաւեց մի բան։ Նա նկատեց, որ ձիաւորները քրոգեր էին, նրանք երգում էին

եւ ուրախ էին, որպէս կռուողներ, որ վերադառնում էին յաղթանակով։ Նրա աչքերը այնքան սովորած էին այս բարբարոս ժողովրդի ցոյցերին, որ ամենաշնչին երեւյթից կարող էր շատ բաներ գուշակել։ Այս պատճառով արինը զարկեց նրա գլխին, երբ տեսաւ, որ նրանց նիզակների ծայրերին դրօշակների նման ծածանվում էին շորի կտորներ։ Հմուտ աչքը առաջին անգամից կարող էր նկատել, թէ դրանք կնոջ հագուստներ էին, եւ այն ստորին հագուստը, որ համեստութիւնը միշտ Տեռու է պահում տղամարդի աչքերից...

Դա բարբարոսութեան ամենախայտառակ մի ցոյցն է, որ պարկեշտ կանանց ողջախոհութիւնը բռնաբարելուց յետոյ, թերահաս կոյսերի անմեղութիւնը խախտելուց յետոյ, չարագործը, որպէս պարծանք իր անբարոյականութեան, որպէս յաղթանակի նշան, — նրանց ամօթոյ ծածկոյթը ցցում է իր նիզակի գլխին, ցոյց տալու համար, թէ ինքը խղճի եւ աղնուութեան դէմ մի գործ է կատարել...

Երիտասարդը իր վրտովմունքը զսպելով, մօտեցաւ խմբին, եւ պահպանելով իր ծպտեալ գերը, տուեց սովորական ողջոյն քրդերէն լեզուով.

— Բարի՛ ձանապարհ։

— Բարի՛ ձանապարհ՝ եւ քեզ, պատասխանեցին նրան, հարյունելով.

— Ո՞րտեղից այսպէս։

Երիտասարդը իր նիզակը նեցուկ տալով մարմնին կանգնեց, պատասխանելով.

— Վանից։

— Ի՞նչ կայ. ո՞ւր էք գնում։

— Գնում եմ բաշ-կալա¹։ Փաշայից նաևակ եմ տանում մուգ իրին։

Քրդերը խորհրդաւոր կերպով նայեցին մինը միւսի երեսին։

— Դուք ո՞ւր էք գնում, հարցրեց երիտասարդը։

— Գաւուրների դէմ, ասաց նրանցից մէկը. — Շէյխը կանչել է։ Գնում ենք կուռելու։

— Որպէս երեւում է, դուք ձեր առաջին քաջութիւնը փորձել էք այդ ողորմելի շորի կտորների վրայ... ասաց երիտ սարդը հեղնական ծիծաղով։

— Այդ մի փոքրիկ որս էր, որ պատահեց մեզ ձանապարհի վրայ. մեր եղայրները այրել էին մի հայոց դիւղ, բայց կանաչքը փախել էին մերձակայ լերան վրայ... ։

— Նրանցից պրծան, ձեր ձեռքը ընկան... կտրեց երիտասարդը քրդի խօսքը։

Քրդերից մէկը կասկածաւոր կերպով հարցրեց.

— Դու ո՞րտեղացի ես։

— Սիպան լեռներից, չէյդարանլի ցեղիցն եմ, ասաց երիտասարդը նոյն ցեղին յատուկ բարբառով։

— Չէյդարանլիները չեն գնում։

— Նրանք պիտի գնան իրանց Շէյխի առաջնորդութեամբ. չէյդարանլին չէ խառնվում Շիկակների, Ռաւանդների եւ Բիլըաստների հետ², որոնց պիտի տանէ Շէյխ Ջալալէդզինը։

Հպարտ չէյդարանլիի խօսքերը թէեւ բաւական վերաւորական էին իր խօսակիցներին, որոնք Ռաւանդների ցեղին էին պատկանում, բայց նայելով նրա, որպէս մի

¹ Աղբակ գաւառի բերդաքաղաքն է։

² Քրդերի ամենաբարբարոս ցեղերի անուններ են, որ բնակվում են Պարսկաստանի սահմանների վրայ։

պաշտօնական մարդու վրայ, որ փաշայից նամակ էր տառում Բաշ-Ղալայի մուգիլին, ոչինչ չը պատասխանեցին:

Երիտասարդը խօսքը շուռ տալով, եւ որպէս ինքն իրան խօսելով, ասաց.

— Այդ ինչ վատ երկիր է, ինձ առաջին անգամն է պատահում այստեղ լինել. միթէ այս սարերում հովիներ եւ գիւղեր չը կան. սովոր մարեցայ. ոչինչ չես գանում ուտելու:

— Կային, պատասխանեցին նրան, — այս կողմեւ րում Փլայներ (Հայեր) էին բնակվում, բայց մի օր առաջ անցել են այստեղից Հարքիները¹ եւ ոչինչ չեն թողել:

Երիտասարդի մթին գէմքը աւելի մռայլուեցաւ, եւ աշխատելով սառնասիրտ ձեւանալ, հարցրեց.

— Ուրեմն դուք դատարկաձնո՞ն մնայիք:

— Աստուած ողորմած է, ասացին նրան, — մինչեւ Բայազէդ համնիլը որսեր շատ կը պատահեն...

— Թողլ Աստուած յաջողէ... պատասխանեց երիտասարդը եւ կամենում էր շարունակել իր ճանապարհը:

Քրդերից մէկը հանեց իր ձիու թամբին կապած խուրջինից մի կտոր հաց եւ պանիր, տուեց նրան, ասելով.

— Կեր, դու ասացիր, որ քաղցած ես, մինչեւ Բաշ-Ղալա գեռ շատ պիտի գնաս:

Տղամարդը շնորհակալութիւն յայտնեց: Աւազաների խումբը հեռացաւ:

Այժմ նա հասկացաւ այն ամայութեան պատճառը, որ քանի լուպէ առաջ վրդովում էր նրան. այժմ նա

¹ Քրդերի մի վայրենի ցեղ է, որ բնակվում է Տիգրիսի վերին ձիւղերի մօտ եւ տարածվում է մինչեւ Մուսուլ:

գիտէր, թէ ինչ էր պատահել իր անցած երկիրների վրայ:

Քրդից ստացած կերակուրը նա մի կողմ ձգեց եւ շարունակեց գնալ: Իրաւ, նա քաղցած էր. ամբողջ օրը ոչինչ չէր կերել, բայց քաղց չէր զգում: Հինում են ըստէներ, որ մարդ կերակրվում է իր սիրոր մաշելով ու սպառելով. — Երիտասարդը այդ գրութեան մէջ էր:

Գ.

Արեւը մտնելու մօտ էր, երբ մեր յոգնած Ճանապարհորդը հասաւ մի տեղ, ուր Ճանապարհը Ճիւղաւորվում էր. աջ Ճիւղը տանում էր դէպի Բաշ-Ղալա, իսկ ձախը գէպի Բարդուղիմէոս առաքեալի վանքը: Նա ընտրեց վերջինը:

Արեւի վերջալցուը ոչ մի ժամանակ այնպէս գեղեցիկ չէր զարգարել ամպերը, որպէս այն երեկոյ. եւ լեռնային օղը իր փափուկ թարմութեամբ ոչ մի ժամանակ այնքան կազդուրիչ չէր եղել, որպէս այն գիշեր: Բայց Երիտասարդը ոչինչ չէր զգում, որովհետեւ իր սրտի եւ արտաքին աշխարհի մէջ ամենեւին առնչութիւն չը կար: Նա շարունակում էր գնալ, ինքն իր մէջ կենարօնացած. եւ մի աներեւոյթ զօրութիւն մղում է նրան առաջ...

Մութը սկսել էր փոքր առ փոքր թանձրանալ եւ գիշերային աստղերը վառվում էին հիանալի զուարթութեամբ: Օդը անշարժ եւ խաղաղ էր: Այդ այն ժամն էր, երբ նոյն լեռների վրայ սովորաբար լսելի էին լինում արօտից դարձող ոչխարների բառաշխունքը, որոնց խուլ աղձագանդը զարթեցնում է այնքան գեղեցիկ յիշողութիւններ հովուական կեանքից: Իսկ այն գիշեր ոչինչ չէր

ԶԱՐԱՐԱ



լովում. ամեն տեղ տիրում էր մեռելային անդորրութիւնը:

Բաւական ճանապարհ անցել էր, երբ սկսեց նշմարել տեղտեղ հրեղէն կետեր. նրանք երեւում էին խաւարի մէջ շատ հեռուից, երբեմն ընդարձակվում էին, երբեմն փոքրանում էին եւ երբեմն դէպի վեր էին բարձրացնում վիշապների նման գալարվող բոցեղէն սիւներ: Յանկարծ բոլորովին հանգչում էին, եւ աւելի զօրութիւն ստանալով, հրային հոսանքը տարածվում էր դէպի ամեն կողմ:

Նա կանգնեց եւ մի քանի րոպէ անշարժ նայում էր այս սարսափելի տեսարանին: Ի՞նչ էր պատահէլ: Նա մտածում էր, թէ այրվում են խոտի դէղեր: Բայց նրան այնքան ծանօթ էին իր շրջակայքը, որ ինքն եւս կասկածում էր իր կարծիքի մէջ. նա զիտէր, որ խոտը այդպէս վաղ չէ հնձվում այս կողմերում: Նա դիտէր, որ այն ձորերում, ուր այնպէս կատաղի կերպով ճարակում էր հրդեհը, կային միայն շատ թուով հայոց փոքրիկ եւ մեծ դիւղորայք...

Երիտասարդը չը մօտեցաւ ոչ մէկին. նա դտնվում էր մի այնպիսի իրան կորցրած զրութեան մէջ, որ երազի պէս բոլոր սարսափելի տեսարանները գալիս ու անցնում էին նրա աչքերի առջեւից:

Նա դուրս եկաւ մեծ ճանապարհից եւ բարձրացաւ մի բլուրի վրայ, որ պատած էր փոքրիկ թուփերով ու մացառներով: Կէս զիշեր էր: Նա առաջին անդամից նայեց դէպի աստղագարդ երկինքը եւ տեսաւ, որ «Ծրջատի խաչը»¹ ուղիղ կանգնած էր զենիթի վրայ: Նա նատեց մի քարի վրայ, որ փոքր ինչ հանգտանայ: Մի կողմից

¹ Մի համաստեղութեան անուն է:

քաղցր, միւս կողմից յոգնածութիւնը, բոլորովին սպառել էին նրա ուժերը: Բլուրի բարձրութիւնից հրեղէն կցաւերը այժմ աւելի պարզ երեւում էին լեռնային տարածութեան վրայ: Նա դեռ նայում էր առաջին սառնապտութեամբ:

Նրա ականջին դիպան մի քանի անորոշ ձայներ. երեւում էր, բլուրի ստորոտից անյնում էին մարդիկ:

— Ուր գնանք... Տէր Աստուած...

— Գնանք... մի տեղ կը համենք...

— Ճնկներս դողում են... երեխաս մարելու վրայ է...

— Տուր ինձ երեխան:

— Ազի, ինչու յետ մնացիր:

— Մայրիկ, քարելը ծակում են ոտներս:

Զայները լուեցին:

Ռոպէական լուռթիւնից յետոյ լնդհատուած խօսակցութիւնը կրկին շարունակուեցաւ.

— Դեռ այրվում է... ախ, ինչպէս այրվում է...

— Կնիկ, երեխերքիդ հոգսը քաշեր... լսւ է, որ պլիծանք...

— Գլխիդ արխենը էլի սկսեց գնալ... դու օրօրվաւմ ես, այ մարդ...

— Վնաս չունի... փաթոթը արձակուեցաւ...

— Բեր, կապեմ:

— Գնանք... փախչենք... ժամանակ չէ...

Զայները կրկին լուեցին:

Մերձակայ հրդեհը այնպէս սաստիկ բոցավառուեցաւ, որ փայլակի արագութեամբ լուսաւորեց բլուրի ստորոտը: Հցոյը բաց արեց մի ցաւալի տեսարան: Խօսողը մի գիւղացի էր իր կնոջ հետ. նա տանում էր իր գրկում մի փոքրիկ

երեխայ. արիւնը նրա ճակատից թափվում էր երեսի վրայ, եւ այնտեղից կաթկաթում էր երեխայի գլխին: Նրա կողքին գնում էր կինը, եւ ձեռքից բռնած տանում էր մի փոքրիկ աղջիկ: Ամուսինները երկուքն էլ ուժաթափուած, հաղիւ կարողանում էին ընթանալ:

Խաւարը կրկին տիրեց շրջակայքը: Զայները կրկին լսելի եղան:

- Այս. ինչպէս կոտորում էին...
- Այս, ինչպէս այրեցին...
- Ոչինչ չը թողեցին...
- Հիմայ ուր գնանք... Աստուած...
- Մայրիկ, ես հաց եմ ուզում...
- Մի՛ լար, հիմայ...
- Մայրիկ...

Զայները լոեցին:

Շատ անգամ, շատ մարդկանց վրայ, մի թշուառ երեւոյթ, որ պէտք է յարուցանէր տիսուր զգացմանքներ, — ընդհակառակին զցուանիք է պատճառում, զարթեցնում է խիստ դառն ատելութիւն: Նոյն տպաւորութիւնը ունեցաւ մեր ճանապարհորդի վրայ իր տեսածը: — Մի կողմում հրդեհը լսափում էր խաղաղասէր շնչականի խրճիթները, մարդիկ կենդանի թաղվում էին իրանց հրային գերեզմանի մէջ, եւ կրակից ազատուածը իր բնակարանի մօտ ընկնում էր բարբարոսի սրից, — միւս կողմից, նա լսում էր մի արիւնաթաթախ հօր եւ կիսաշունչ մօր ցաւալի խօսակցութիւնը, լսում էր զաւակի լացը եւ մրմունջը, տեսնում էր անբախտացած ընտանիքի յուսահատական փախուստը, եւ ինքը մի դիւական սառնապատութեամբ բլուրի բարձրութիւնից նայում էր, եւ կարծես նրա դժոխային շրժունքից դուրս էին թռչում

այս ճակատագրական խօսքերը. “Դուք արժանի՞ էք ձեր վիճակին, որ ինքներդ էք պատրաստել ձեզ համար... նա մեղաւոր չէ, որ այրում է եւ մորթում էն...”

Դա ատելութեան ամենասարասափելի ձայնն է, որ բզիում է սիրելուց, գա եղբօր ատելութիւն է, որ ծագում է եղբօրը ուղելու զգացմոնքից, թէ ինչո՞ւ, նա պատրաստ չէ կեանքի եւ գոյութեան համար մրցելու:

Այս տեսակ ատելութիւնից առաջ է գալիս այն ազնիւ բարկութիւնը, որով մարդ ծայրայեղութեան է հասնում, եւ նա մի խիստ պատգամախօսի նման որոշում է, մի ժողովրդի վիճակի սահմանը, երկու հակառակ կէտերի վրայ գնելով նրան, — կամ մահ եւ կամ կեանք: “Ով չէ հասկացել, կամ չէ ուզում հասկանալ ապրելու պայմանները, ասում է նա, կեանքի իրաւունք չունի: Այս պայմանները այնքան փոխվում են, որքան փոխվում են նրանց պահանջները. — Երբ հարկաւոր է խելք բանեցնել, խելքին զօր տալու է, խելք երբ պետք է սուր, մարդ պիտի պատրաստ ունենայ նրան իր ձեռքում: Մարդկային կեանքը ներկայացնում է մի սարսափելի կռուի հանդիսարան, ով որ ընդդիմադրութեան նորհը չունի, նա պիտի ընկնի, անհետանայ, ոչնչանայ...”

Բայց մեր ճանապարհորդի վրդովմանքը առաջ չէր գալիս այս տեսակ խորին քննութիւններից. նա կեանքի փիխոփայութեան հետ ծանօթ չէր: Բացատրում էր մարդկային կեանքը, հիմնուելով բնութեան ամենապարզ երեւոյթների վրայ: Նա մտածում էր, երբ գառին վիճակուել է գայլի հետ միասին կենցաղավարել, ինքն էլ պէտք է աշխատի գայլի ատամներ ունենալ, եթէ չէ ցանկանում կատաղի դաշտնին կերակուր դառնալ:

Հանդամանքները ձգել էին նրան մի այնպիսի վեճակի մէջ, որ ինքն յակամայից դարձել էր գայլ, զայլ բոլոր անգթութեամբ։ Մանկական հասակում ընտանիքը հալածեց նրան. նա արտաքսուեցաւ հայրենական տնակից, որպէս անառակ որդիր։ Իր համազգի հասարակութեան մէջ նոյնպէս նա ընդունելութիւն չը դատաւ. ամեն մարդ սկսեց խորշել նրանից, որպէս ժանտախտից. այնուհետեւ մնում էր նրան անձնատուր լինել դէպէրի բերմունքին, եւ նա դարձաւ մի արկածախնդիր թափառական, իսկ վերջը — մի անգութ աւազակ, որ ուխտել էր պատժել մարդկանց, որովհետեւ մարդիկ պատժեցին նրան։

Որպէս աւազակ նա դարձեալ մնաց միշտ աղնիւ։ Նա չը կորցրեց իր առիւծի վեհութիւնը, որ չէ սիրում յարձակուիլ տկար կամ վատուժ կենդանիների վրայ, որ իր որսածի մեծ մասը թողնում է մանր դադաններին ուտելու համար...

Ամբողջ տաս տարի հայրենիքից հեռացած այդ թշուառականը, կրին վերաբարձաւ այնտեղ, երբ լսեց նրա վանագը։ Սա չեկաւ հայրենիքը վիրկելու համար, որովհետեւ զիտէր, որ իր նման շատերը նրան փրկել չէին կարող, երբ ինքն իրան փրկելու ընդունակութիւն չունէր։ Սա եկաւ փրկելու մի գեղեցիկ արարած, որին միայն սիրում էր, եւ որը միայն էր ամբողջ աշխարհի մէջ, որ սիրում էր այն մարդուն, որին բոլորը ատում էին։ — Այս էր նրա միմիթարութիւնը։ Բոլոր աշխարհի մէջ հանգստութիւն, գալար եւ իր գլուխը զնելու մի անկիւն չունեցող անբախտը՝ ունէր մի կնոջ ջերմ սիրտ, ուր ապրում էր նա, շնչում էր եւ այնտեղ մոռանում էր իր կեանքի դառնութիւնները, թէեւ տաս տարուց առելի էր, որ չէր տեսել նրան։

Ահա ինչ էր պատճառը, որ նա այնքան անզբայ էր դարձել դէպի իր շրջակայքը կատարուող գործողութիւնները, եւ որպէս մի չար գեւից հալածուելով, ակամայ մղվում էր դէպի առաջ, ոչ մի տեղ հանգիստ չառնելով։ Բայց բնութիւնը պահանջում է իրը. քանի օր էր, որ նա ամենեւին քնած չէր, մի քանի օր շարունակ նա Ճանապարհի վրայ էր գտնվում։ Նրա ուժերը սպառուել էին եւ նա սկսել էր թուլանալ։ Եւ երբ նա բարձրացաւ բլուրի վրայ, նստեց այնտեղ, որ մի փոքր հանգստանայ, յանկարծ ակամայ կերպով նրա դլուխը ծանրացաւ, աչքերը փակուեցան եւ լնիաւ փափուկ խոտերի վրայ։ — Դա քուն չէր, այլ մի տեսակ թմրութիւն, որ տիրում է մարդուն եւ արթնութեան ժամանակ, երբ նա սաստիկ տանջուած է լինում, թէ բարյապէս եւ թէ ֆիզիկապէս։

¶.

Արուսեակը գեռ նոր էր բարձրացել հորիզոնի վրայ, գեռ նոր արշալոյսի եղերագիծը սկսել էր կարմրել, երբ նա արթնացաւ։ Երխտասարդը ամբողջ մարմնով դողաց, երբ նկատեց, որ կորցրել է գիշերի մեծ մասը, երբ կարող էր բաւական Ճանապարհ կտրել։ Սա շտապով վերցրեց հրացանը եւ նիզակը, շարունակեց իր ուղին։

Անցնելով Աղքակայ լեռնագաշերը, նա տեղական նկատում էր հայոց գիւղօրայք, որ գեռ ծխում էին վաղորդեան մառախուղի միջեց։ Այս ծուխը նման չէր այն ծուխին, որ առաւօտները վեր է բարձրանում խաղաղասէր շինականի խրճթի երդիքից։ Դա մի չարագուշակ ծուխ էր, որ երբեմն խառնվում էր հրեղէն բոցերի հետ։ Սա անցաւ գիւղերից մէկի մօտով եւ տեսաւ, որ

գետնափոր տնակները բոլորովին մոխիր էին դարձել, եւ
այստեղ ու այնտեղ ընկած էին արիւնով ներկուած,
կամ սարսափելի կերպով այլանդակուած դիակների: Նա
զգաց բոլոր զարհուանքը այն երեւցիթների, որ նոյն
գիշերը իր համար մնացել էին անբացատրելի: — Կրակ-
ները, որ նրան գիշերային խաւարի մէջ սարսափեցնում
էին, հայոց հրդեհուած գիւղօրայք էին:

Այս սոսկալի տեսարանները, որ ամեն մարդու վրայ
կարող էին ունենալ կայծակի ներգործութիւն, նրան
շատ հասարակ երեւացին. կարծես, նա գիտէր, թէ այս-
պէս պէտք է լինէր, կարծես, նա առաջուց որպէս մար-
դարէ հոգւոյ աչքերով տեսել էր բոլոր դաշոցը իր
արիւնակի պատկերներով: Եւ առաջուց երկար կարդալով
իր երեմիականը, նրա սիրտը կոշտացել էր, նրա աչքե-
րում արտասուք չէր մնացել այժմ կատարուած իրողու-
թեան վրայ ողբալու: Եւ այս պատճառով նա, կարծես,
անտարերթութեամբ էր նայում այն աւերակներին, այն
կոտորածի կոյտերին, ուր կին, աղջիկ, երեխայ, ծեր եւ
տղամարդ, ընկած էին մինը միւսի վրայ:

Զարմանալի բան է մարդկային սիրտը. շատ անդամ
նմանում է մի անսահմանութեան, որ ամփոփում է իր
մէջ ամբողջ տիեզերքը, շատ անդամ նմանում է մի
լիքը անօթի, որի մէջ գտնուած նիւթը ընդդիմահարում
է, տեղեք չէ տալս մի ուրիշն զետեղուելու: Եւ աւելի
բացասական է լինում նա, երբ լցուած է լինում սիրով:
Ամեն մի նոր ներմուծութիւն դատարկ տեղ է որոնում,
բայց նրա սիրտը դատարկ չէր...

Նա կրկին նայեց ծխացող աւերակներին եւ անցաւ:
Իր ճանապարհի վրայ շատ անդամ համդիպում էին
այնպիսի ծխացող աւերակներ, շատ անդամ երեւում

էին նրան մոխիր դարձած գիւղեր եւ շատ անդամ նա
տեսնում էր՝ կամ բոլորովին անշնչացած, կամ իրանց
տաք արեան մէջ թաւալուող դիակներ, — եւ այդ
բոլորը նրա վրայ միայն բոպէական ազդեցութիւն էր
անում:

Արշալոյսը այժմ սկսել էր աւելի պայծառ բոցա-
վառուել եւ արեւի կարմիր-ծիրանագյն շառաւիղ-
ները գեռ նոր ցոլանում էին ձիւնի պէս սպիտակ ամպերի
վրայ, տալով նրանց քըքումի դոյն: Բայց ձորերի մէջ
ատկաւին լցու շը կար: Երիտասարդը գեռ շարունակում
էր իր ճանապարհը զարտուղի շատիղներով: Սարի այծը
միայն կարող էր անցնել այն սարսափելի եւելէջները, այն
նեղ կիրճերը եւ այն ժայռուտ գահավէժները, որոնց
միջով գնում էր նա: Նա զիմում էր ուզզակի գէպի
նիշեան զիւղը: Վերջապէս հասաւ այնտեղ: Կրակը եւ
սուրը ոչնչացրել էր թէ մարդ եւ թէ բնակութիւն:
Այստեղ նա երկար շրջում էր ընկած դիակների մէջ,
եւ կարծես, մի բան որոնում էր նրանց մէջ: Յետոյ նա
կանգ առեց մի ծխացող նիւթի առջեւ, եւ խորին
լութեամբ նայում էր նրա վրայ: Այս տնակի մէջ ան-
ցել էր նրա մանկութիւնը, այստեղ էին բնակվում նրա
ծնողքը, քոյլերը եւ եղայրները, որոնք այժմ չը
կային... Այս ցաւալի տեսարանը քամեց նրա աչքերից
մի քանի կաթիլ արտասուք, որոնք դըրուեցան գունա-
թափ երեսի վրայ:

Արտասուքը մի զարմանալի արտայայտութիւն է հո-
գեկան կլքերի: Որպէս տիպութիւնը, նոյնպէս եւ ուրա-
խութիւնը արտասուք ունեն: Բայց սարսափելի է լինում
այն արտասուքը, որ գուրս է ցայտում բարկութիւնից,
— երիտասարդնը այդ տեսակիցն էր: Այդ տեսակ ար-

տասուքը նման է երկնքի արտասուքին, որ խառն է լինում մրցի, որոտման եւ կայծակների շետ...

Նա նկատեց այրուող խրճիթի մօտ մի քանի իրեղներ, որոնց գուցէ աւարառուն անձեռնաշաս լինելով, թողել էր այնտեղ: Իրեղնները բոլորը ծանօթ էին նրան: Աչա այն դորդի վրայ շատ անդամ նստում էր իր ծերունի հայրը... Աչա այն վերմակի տակ շատ անդամ քնել էր ինքը... Աչա այն աաշտի մէջ խմոր էր հունցում իր մայրը... Աչա այն մեծ թասը, որի մէջ իր քոյրը կթում էր ոչխարները... Մի խօսքով նրանց ամեն մէկը զարթեցնում էր իր մէջ հին յիշատակներ: Նա մօտեցաւ եւ սկսեց մին մին վեր առնել եւ ձգել խրճիթի այրուող կրակի մէջ, կարծես, նրա բոցերը սաստկացնելու մաքով:

Սոյն միջոցին վրայ հասան երկու զինուորուած քուրդ ձիաւորներ, որոնք իրանց ետեւից քարշ տալով, բերում էին մի քանի ուրիշ ձիաներ:

— Ինչո՞ւ ես այրում, ասաց նրանցից մէկը, — մենք եկել ենք տանելու. առաջ զրաստներ չունեինք, հիմա բերել ենք:

— Էլե կը տանեք, պատասխանեց երիտասարդը սառն կերպով. — գեռ շատ է մնացել: Խջէք ցած:

Քուրդերը ձիերից ցած իջան եւ կամենում էին իրանց բեռները պատրաստել:

— Մի մօտենաք, ես պէտք է այրեմ զրանց, գոռաց երիտասարդ:

— Ինչո՞ւ:

— Ձեղ էլ զրանց հետ կ'այրեմ, եթէ թոյլ չը տաք:

— Դու:

— Ես:

Սոյն բոպէում երիտասարդի ծանր սուրը իջաւ քրդերից մէկի զլսին, իսկ միւսի կուրծքի մէջ որոտաց նրա ատրճանակը: Երկուսն էլ ընկան: Երիտասարդը խեց դիակները եւ ձգեց կրակի մէջ: Այնուհետեւ նա բռնեց նրանց ձիերից մէկը, որն առելի լաւն էր, նստեց եւ սկսեց քշել:

Ցայտնի չէ, թէ ինչո՞ւ երբ նա մի փոքր հեռացաւ, կրկին ցած իջաւ ձիուց, նրան արձակեց եւ ինքն դարձեալ սկսեց ոտով գնալ: Երեւի այդ այն պատճառով էր, որ ձիով չէր կարող անցնել այնտեղի նեղ եւ դժուարին ճանապարհներով, որ ընտրել էր իր համար:

Բաւական հեռանալով իր հայրենական զիւղից, մի լեռնադաշտի վրայ նրա ուշազրութիւնը զրաւեց մի մլթին կէտ, որ աղաս կերպով նշմարվում էր նոր բարձրացող արեգակի ճառագայթների միջով: Նա շատ հեռու էր: Ուրքան մօտենում էր երիտասարդը, այնքան յիշեալ առարկան աճում եւ առելի մեծ ծաւալ էր ստանում: Կարծես, նա կախ էր ընկած օղի մէջ եւ բաւական բարձր էր երկը մակերեւոյթից: Նա ծոեց իր ուղին դէպի այն կողմք: Երբ փոքր ինչ եւս մօտեցաւ, նրանց թիւը բազմացաւ, որոնք այժմ նման էին խրտուիւններին, որ ցցում են երկայն ձողերի զլսին եւ անկում են հասունացած արտերի կամ սեխանոցների մօտ, որ թոշունները, խողերը եւ արջերը չը վչացնեն նրանց:

Ցայց յիշեալ խրտուիւններից ոչ թոշունները եւ ոչ գազանները չէին վախսենում: Նա տեսնում էր, թէ որպէս զիշակեր ագռաւնները, անգղները եւ մինչեւ անդամ երկուս կաչաղակը ուրախ-ուրախ թուիչքներ էին դործում, ճախրում էին, պայուններ էին անում, իջնում էին

նրանց վրայ եւ կրկին բարձրանում էին օդի մէջ։ Այս-
տեղ եւ չնագայն ու ըորենին ուրախական ձայներ էին
հանում։ Երեւում էր, որ այդ անասունները բոլորել էին
մի ճոխ սեղանի շուրջը։

Տեսարանը պարզուեցաւ, երբ նա բոլորովին մօտ
գնաց. երկայն ձողերի զլսին շամփրած մարմինները մարդ-
կային դիակներ էին, որոնց կենդանի բարձրացրել էր այն-
տեղ բարբարոս ձեռքը, իսկ այժմ մեռած էին։ Նրանք
թուով երեք էին, որոնց մի կողմ թեքուած գլուխներից
սարսափած ճանապարհորդը ճանաչեց երկու քահանայի
եւ մի վարդապետի երեսները։ Եղեռնազործութեան ամե-
նասուկալի օրինակն է այդ, որ ստեղծել է մահմետականի
անդժութեան հանձարը, — կենդանի մարդիկ զաղուխի
զարկելու . . . Չողերի շուրջը ածած էին կոտորած դիակ-
ներ, որոնք գաղանների գիշատելուց աւելի այլանդակուե-
լով, սարսափ էին ձգում նայողի վրայ։

Յանկարծ երիտասարդը լսեց մի խուլ մրմունջ, որ
նման էր այն դառն հառաջանքին, որ արձակում է մարդ
մահուան տափնապի մէջ տանջուած րոպէներում։ Նա
շատպեց դէպի ձայնը։ Գետնի վրայ նշմարվում էին
արեան կաթիների հետքեր, որոնք հազիւ տեսանելի
շատզի նման տանում էին դէպի այն կողմը։ Տասը քայլ
հազիւ փոխել էր նա, յանկարծ ծնկները թուլացան,
գետնին փռուեցաւ եւ գրկեց մի ալեզարդ ծերունի։ Մի
քանի րոպէ մեռնողը եւ կենդանին մնացին անմռունչ։

Մեռնողը աւելի շուտ ոգի առաւ, քան թէ կեն-
դանին, եւ առաջինը խօսեց իր թոյլ, գողդոջուն ձայնով.
«Հիմայ, ծէր, առ հոգիս, որովհետեւ մեռնում եմ
որդուս գրիփ մէջ»։

Երիտասարդը գեռ անշարժ էր։

Ժերունին աւելացրեց.

«Տասը տարի կորած որդիս այժմ կը փակէ հօր
աչքերը»։

Երիտասարդի գլուխը գեռ այնպէս ընկած էր ծե-
րունի հօր կուրծքի վրայ։ Հայրը իր թոյլ ձեռքով բար-
ձրացրեց այն սիրելի գլուխը եւ ասաց.

«Սարհատ, աննման Սարհատ, թող օրհնեմ քեղ,
յետոյ մեռնեմ»։

— Բայց առաջ գու լսիր որդուդ անէծքը, եւ յե-
տոյ մեռիր, ասաց երիտասարդը զայրացած ձայնով։ —
Այս, տասը տարի կորած որդիգ այժմ պէտք է փակէ
հօր աչքերը, որին գտնում է արեան մէջ շաղախուած։
Բայց ով եղաւ որդուդ կորչելու պատճառը, եթէ ոչ
ինքը հայրը։ Ես անառակ որդի չէի, ես փշացնող եւ
արբեցող չէի, — ես միայն սիրում էի զէնքեր, սիրում
էի ձի, սիրում էի որսալ։ Իմ գուարձութիւնները
համեստ էին։ Իսկ այդ բոլորը ատում էիր դու։ Ինձ դու
ձգեցիր վանքը եւ կամենում էիր ինձանից ճգնաւոր,
աղօթող պատրաստել։ Այնտեղից ես փախայ։ Այնու-
շետեւ խովն ու բահը, գերանդին ու մանգաղը, — այդ
բանները առաջարկեցիր ինձ։ Ես ընդունեցի, բայց առանց
հրացանս թողնելու, որովհետեւ տեսնում էի, որ քուրդը
յափշտակում էր մեր վարուցանքը։ մի բանով պէտք էր
պահպանել նրան։ Բայց դու ինձ խրատում էիր բարի
լինել եւ բարութեամբ պատասխանել չարին։ Դու ինձ
ատում էիր։ «մենք հայեր ենք, մեր գլուխը պէտք է
միշտ ցած ծռած լինի, մեր լեզուն միշտ մունջ պէտք է
լինի եւ մեր ձեռքը պէտք չէ, որ բարձրանայ օտարի
գլխի վրայ . . . — Դրանք էին քո քարոզները։ Բայց ես
տեսնում էի, քսնի որ գլուխս ծռում եմ, աւելի շատ

են ծեծում. քանի որ լեզուս մունջ եմ պահում, աւելի շատ են հայհոյում. -- ես տեսնում էի, երբ ձեռք չեմ բարձրացնում, եղած-չեղածս խլում տանում են, եւ ես մնում եմ աղքատ ու քաղցած։ Բայց դու ամեն ինչ Աստուծու վրայ. Էիր ձգում, եւ պատուիրում էիր ինձ համբերել... Ես սկսեցի ըստ հաւատալ Աստուծուն, երբ աւեսնում էի, որ Նրա աչքերի առջեւ ամեն տեսակ չարագործութիւններ կատարվում են, եւ նա միշտ մնում է անտարբեր։ Իսկ քո բարկութեան չափն անցաւ. դու արտաքսեցիր հօր տնից անառակ որդուն, որ իր պապերի սովորութիւններով չէր գնում, որ ատում էր ստրկական խոնարհութիւնը, որ չէր սիրում իր հալածողի ռաները լիզել...»

— «Բայց դու ուր գնացիր նրանից յետոյ, եւ ինչ էիր շնում,, հարցրեց վշտացած հայրը։

— Ես այնուշետեւ դարձայ մի թափառական որսորդ։ Բայց անասուններ սպանելու եւ մարդիկ մորթելու մէջ մի քայլ միայն կայ, — որդիդ յետոյ դարձաւ աւազակ եւ սկսեց մարդիկ կոտորել... Եւ ինչու չու կոտորէի, ինչու չը յափշտակէի, երբ տեսնում էի, այն մարդիկը որ նոյն են գործում, աւելի բախտաւոր են, աւելի յարգելի են։ Եւ որ ընդհակառակն, տեսնում էի, այն մարդիկը, որ բարի են, որ մի մրջիմ անգամ սպանելու սիրտ չունեն, որ աւազակ չեն, — նրանք թշուառ են, եւ ոչ իրանց ընտանիքի, եւ ոչ իրանց կայքի, եւ ոչ իրանց զլուխների տէրը չեն...»

Երիտասարդը լռեց եւ փոքր ինչ շունչ առնելուց յետոյ դարձեալ շարունակեց.

— Տեսնում ես, հայր, դու էլ բարի մարդ էիր, գառան պէս խոնարհ էիր դու, բայց քո բարութիւնը

քեզ չօգնեց։ Եւ այդ քահանաները, որ բարձրացած են ձողերի գլխին, եւ այդ դիակները, որ ընկած են նրա շուրջը, — բոլորն էլ բարի մարդիկ էին. ես ճանաչում եմ նրանց։ Բայց չարի առջեւ ընկան, բարութիւնը չօգնեց նրանց... Զարի հետ պէտք է չար լինել, բարի հետ բարի. այս է պահանջում անարդար մարդկութիւնը...»

— «Մի տանջիր ինձ, որդի. թող հանգիստ մեռնի անբախտ հայրդ, ասաց ծերումին նուաղած ձայնով։ Քո լեզուն աւելի խոր է խոցում իմ վերքը, քան քուրդի նիզակը»...

— Ո՞չ, դու հանդիստ մեռնել չես կարող։ Նա չէ կարող հանգիստ մեռնել, որ հանգիստ չէ ասպերել։ Հանգըստութիւնը մեզ համար չէ, ոչ մեր խրճիթներում, եւ ոչ գերեզմանի խորքում...»

— «Դու գնացիր. տեսա՞ր մեր խրճիթը, հարցրեց հայրը։

— Տեսայ, այրվում էր նա։

— «Իսկ մայրիդ... քոյրերդ... եղթայրիդ...»...

— Ոչ ոք չը կար. գիւղումը միայն դիակներ գտայ։

— «Եւ չը շտապեցիր մի օր առաջ ձեռք հասցնել անօդնական հօրը եւ ազատել նրա ընտանիքը»...

— Ես դրա վրայ չէի մտածում, թէ եւ գիտէի, որ այս երկիրը այս օրերում կրակի եւ արի կերակուր պիտի դառնայ։ Եւ ինչ կարող էի անել ես. մի ձեռքը բիւրաւոր ձեռքերի դէմ ոչինչ անել չէ կարող։ Եւ ովկ կարող է օգնել մի ժողովրդի, որ ինքն իր ձեռքովն է արում թշնամու սուրը։ Աւելի քան բռնակալը, մենք ինքներս մեզ համար պատրաստեցինք ստրկութեան շղթաները... նրանց դարբնեցին մեր պապերը եւ կաշկանդեցին զաւակ-

ներին... Եւ թող անիծեալ լինին նրանք, որ խլեցին մեզանից մեր սիրտը եւ նրա տեղը մի կտոր մեռած միս զրեցին... Եւ թող անիծեալ լինին նրանք, որ սովորեցրին մեզ բարի լինել, հնապանդ լինել, համբերող լինել...

Այսպէս անագորոյն որդին կարդում էր իր սարսափելի անէծքները ողորմելի հօր զլինին, այսպէս նղովում էր նա պապերի տուրբ յիշատակը, մի այնպիսի բոպէում, երբ ծերունին մարելու վրայ էր: Այսպէս մի չար գեւի նման, կարծես, աշխատում էր իրել նրանից իր վերջին շունչը, նրանից, որ իրան շունչ եւ կեանք էր տուել:

— «Բաւական է, խօսեց ծերունին մեծ գժուարութեամբ: — Դու եկած ես մեր զլինին անէծքներ թափելու:»

— Ո՞չ, ես գրա համար չեկայ: Մեր հայրերը այդ պատուին էլ արժան չեն: — Ինձ քաշեց դէպի հայրենիքը մի սիրտ, որը սիրում էր ինձ: Ես եկայ նրան ազատելու: Հօրից, մօրից եւ ազգականներից անարգուած որդուն սիրում էր նա:

Նա սիրում էր աւագակին, որից դժոկվը սարսափում է: Նա սիրում էր եղեռնազործին, որին հրեշտակները եւ սատանաները ատում են:

— Ես եկայ նրան փրկելու...

ծերունու գլուխը կրկին թեքուեցաւ որդու բազուկների վրայ, եւ նա վերջին խօսքերը չը լսեց: «Դուն անիծիր: Բայց ես օրհնում եմ քեզ... ասաց նա եւ աչքերը փակուեցան: Բայց շրժունքները գեռ շարժվում էին. եւ նա մրմնջում էր աղօժքի նման մի բան, որ վերջացրեց այս խօսքերով: «Աստուած, ներին որդուս...»

Այդ նրա վերջին խօսքն եղաւ:

Երիտասարդը երկար բաց չէր թողնում հօր անշնչացած մարմինը իր գրկից. երկար նրա աչքերից արտասուքը թափվում էր ծերունու ձիւնի պէս սպիտակ, բայց արիւնով ներկուած ալիքների վրայ: Այդ երկորդ արտասուքն էր, որ թափում էր նա սիրելի հայրենեաց հողելի վրայ ոտք կոխելն յետոյ:

Երբ բոլորովին հանգստացած էր ծերունին, նա վեր առաւ մարմինը եւ այնպէս արիւնաթաթախ զբեց մի փոսի մէջ. յետոյ իր դաշյնի ծայրով փորեց հողը, ծածկեց նրան: Եւ ապա մօտաւոր լերան ժայռերի բեկորներից մի քանի կտորներ եւ գրեց գերեզմանի վրայ, ասելով. — Հանգստացի՛ր, ով բարի մարդ, եւ թող այս գերեզմանը մօտ լինի այդ զոհարանին, ուր մորթուեցան մեր հայրենիքի երեւելները: Այս սպանդանոցը կը լինի մի յաւիտենական խրատ ապագայ սերնդին, որոնց յիշել կը տայ իրանց թշուառ անցեալ... որոնց մօտածել կը տայ հիմնել ներկան աւելի հաստատուն պայմանների վրայ... եւ այն ժամանակ գուցէ պապերի արիւնը որդիների փրկութեան ճանապարհը բաց կ'անէ...»

Ե.

Ամփոփելով հօր մարմինը իր անշուք գերեզմանի մէջ, երիտասարդը կրկին շարունակեց իր ճանապարհը: Նա այժմ գնում էր բոլորովին խելագարի նման, ընկած դառն մտածութիւնների մէջ: Կորյնելով հայր, մայր, եղբայր եւ քոյրեր, նա այժմ սարսափելի կասկածի մէջ էր՝ կորյնել եւ նրան, որին սիրում էր: Այս պատճառով շտապում էր նա: Բայց գեռ բաւական ճանապարհ կար, մինչեւ կը հասնէր այն գիւղը, ուր բնակվում էր նա:

Նա գնում էր այնպիսի անանցանելի շաւիղներով, որոնց շրջակայքում ժայռերի, մացաների եւ թփերի մջ մի ամրող բանակ կարող էր թագիլ եւ ուղեւորի աչքից անյայտ մնալ: Եւ այս պատճառով մեծ եղաւ նրա զարմանքը, երբ մի քանի անգամ նրա ականջներին զարկեցին անորոշ ձայներ, յետոյ պարզ լսելի եղաւ իր անունը՝ «Սարհատ, Սարհատ»: Ո՞վ կարող էր լինել դա: Նոյն շրջակայքում հազիւ թէ մի մարդ կարող էր ճանաչել նրան, թէ եւ նա ունէր ընկերներ, բայց նրանց մի քանի օր առաջ զանազան յանձնաբարութիւններով ուղարկել էր դեպի զանազան կողմեր: Մտածեց, գուցէ նրանցից մէկը լինի, եւ մատը բերանին դնելով, խորհրդաւոր ձայնով շվացրեց: Նրան պատասխանեցին բաւական մօտաւոր տեղից, բայց ձայնը շատ օտարոտի երեւաց: «Նրանցից եւ ոչ մէկը լինել չէ կարող», մտածեց ինքնիրան, եւ հրացանը ուսից վեր բերելով, կանգնեց, իր շուրջը նայելով: Նոյն միջոցին «Սարհատ» անունը կրկին զարկեց նրա ականջներին, երկու թեւքեր փաթաթուեցան նրա վզովը, եւ մի մարդ սկսեց ջերմ համբոյրներ սփռել նրա երեսի վրայ:

— Երեւի, իմ տէրը չէ ճանաչում իր ծառային, ասայ նա քրդերէն լեզուով:

— Ճանաչեցի, Մըստօ, պատասխանեց երիտասարդը եւ ուրախութեամբ համբուրեց նրան:

Մըստօն ազգով քուրդ էր եզեղիների աղանդից. նա երիտասարդի հօր հովիւն էր եւ նրա մանկութեան ընկերը: Մի կըրիկ պատանի էր Մըստօն խիստ աշխոյժ եւ հաւատարիմ, երբ թողեց նրան երիտասարդը, խալ այժմ գտնում էր նրան հասակն առաջ եւ բոլորովին այրական դէմք ստացած: Նա զինաւորուած էր թեթեւ կերպով.

ունէր միայն հրացան, թուր եւ ատրճանակներ: Երիտասարդը շատ ուրախացաւ, որ հանդիպեցաւ իր հօր տան հաւատարիմ ծառային, եւ աւելի այն պատճառով, որ նրանից կարող էր քաղել այն տեղեկութիւնները, որ իրան շատ հարկաւոր էին:

— Ա՞ն, որքան յիմար եմ ես, Սարհատ, ասաց Մըստօն իր սովորական ծիծաղով. — քիչ էր մնաւմ, որ չը ճանաչէի քեզ. հէնց որ տեսայ, մտայ թփի ետեւը, հրացանս ուղղեցի... հէնց տրըխացնելու վրայ էի, մէկ էլ աչքիս ընկաւ ճակատիդ սպին. ինձ ու ինձ ասեցի. դա աղան է, էլ չարձակեցի... — Ա՞ն, ինչպէս փոխուել ես դու, սատանան չի ճանաչի:

Մըստօն կրկին փաթաթուեցաւ եւ կրկին սկսեց համբուրել իր տէրին:

— Դու ուզում էիր ինձ սպանել, Մըստօ, հարցրեց երիտասարդը:

— Փա՛: Ուզում էի նիզակդ խել. իմը կոտրուեցաւ: Առանց նիզակի քուրդին ամօթ է ման գալ:

— Ե՞ր կոտրուեցաւ:

— Կուր ունեցայ քրդերի հետ, երբ մեր ոչխարները թալանում էին: Բոլորը տարան անհաւատները, մի հառ էլ չը թողեցին: Բո քուռակն էլ տարան, Սարհատ, այն կապօյտ քուռակը. մի տեսնէիր, ինչ լաւ ձի էր գարձել.

— ամեն օր լաւ ուտացնում, չաղացնում էի, մի օր աղան կը գայ, կը նստի. տարան անհաւատները... այնքան ոչխարներից մէկն էլ չը թողեցին,

— Մեր ոչխարները:

— Չերը. բա բամը. Մըստօն խօ ոչխար չունի: Ոտքիս էլ գնդակ զիսպաւ: Բայց ես էլ մի քանիսին գլուցեցի...

Հիմայ ուր էիր գնում այսպէս կաղլեկ ուսով:
— Գնում էի այս կողմը... բան կար...
— Ի՞նչ կար:
— Այս, լեզու չէ բռնում, որ ասեմ... անիծուին
քրդերը... աղայիս...

Մըստօն չը կարողացաւ իր խօսքը վերջացնել, նրա
աշքերը լքուեցան արտասուբով եւ սկսեց երեխայի նման
հեկեկալ:

— Սպանեցին... իմանում եմ, ասաց երիտասարդը:
Գնում էիր ի՞նչ անես:

— Թաղեմ: Խօ այնպէս չէի թողնելու: Իմ աղան
լաւ աղայ էր:

— Ես թաղեցի, պատասխանեց երիտասարդը տխուր
ձայնով: — Դու էն ասա, Մըստօ, թէ մի բան գիտես
մօրս, քյորերիս եւ եղքօրս մասին:

— Մըստօն ամեն բան գիտէ. գիտ չէ, որ չը գիտե-
նայ: — Գլխիցը պատմեմ:

— Ոչ, կարձ կապի՞ր: Ինչ կը հարցնեմ, էն ասա:

— Լաւ, հարցրու:

— Երբ եկան քրդերը:

— Քրդերը եկան երկու որ առաջ. գիշեր էր, երբ
եկան նրանք, մարդիկ բոլորն էլ քնել էին: Նրանք շատ
չէին, հարիւր ձիաւոր հազիւ կը լինէին որ եկել էին մեր
գիւղե վրայ. միւսները գնացել էին ուրիշ գիւղերի վրայ:
Բայց հայի գիւղը թալնելու համար տասը ձիաւոր էլ
բաւական է: — Ինչո՞ւ հայերը զօջաղ չեն, աղայ, դա
լաւ չէ, դա շատ վատ է: — Լացն ու աղաղակը բար-
ձրացաւ, երբ նրանք խրձիթների գոները կոտրատեցին եւ
ներս մտան: “Ճօ՛, խանիխարաբներ, ասում էի ես հայե-
րին, խօ կնիկ չեք, մարդ էք, թէ որ թուր ու թուանդ

չունէք, քարով, փայտով, կացինով խփէք ու դուրս
արեք էդ շներին: Բայց ովկ էր իմ ձէնը լսողը: Առաջ
նրանք սկսեցին դուրս տալ, ինչ որ տանելու էին, թէ
ապրանք, թէ կին եւ թէ աղջեկ. բայց մնացած անպի-
տան ապրանքները՝ ծերերի, պառաւների, երեխաների
հետ՝ թողեցին խրձիթներում, գոները կրկին փակեցին,
յետոյ կրակ տուեցին, այրեցին: Իսկ տղամարդերին կոտո-
րում էին:

— Ոչ ոք չաղատուեցան:

— Աղատուեցան նրանք միայն, որ առաջուց բանը
գիտէին ու փախել գնացել էին, սարերում թաք էին
կացել: Բայց շատերը չեին հաւատում, թէ քրդերը
այնպէս կ'անէին. Նրա համար որ, գայմագամը գրում էր
ժողվրդին իրանց տեղումը հանդիսատ մնան, չը վախե-
նան: Խարում էր անիծուածը:

— Մեր տան հետ ի՞նչ պատահեց:

— Հայրդ տանը չեր, գնացել էր թաշ-կալա, ինձ
ասաց. — Մըստօ, տունը պահիր, մինչեւ ես կը դառ-
նամ: Ես արթուն էի, երբ քրդերը եկան, հրացանը
ձեռիս կտուրի վրայ կանգնած էի: Բայց ի՞նչ կարող էր
անել մենակ Մըստօն այնքան գագաններին. մի տասը
տղամարդ եթէ հետս ունենայի, նրանց չեի թող տալ,
որ գիւղն էլ մանէին, բայց մենակ էի: Ես ձեռք էլ չը
բարձրացրի, նրա համար որ, քուրդի խասեաթը լաւ էի
խմանում, հէնց որ մէկին դիպէի, ոչ մի հոգի կենդանի
չեին թողին: Ես աշխատում էի մի կերպով ընտանիքը
աղատել. մնացածը, ասում էի, գլուխը քարը, թող
տանեն: Առանց ժամանակ կորցնելու, ես տնից դուրս
հանեցի մօրդ, եղքօրդ եւ երկու քյորերիդ. բայց այնքան
յիմար էի, որ չը մտածեցի, թէ տանը օրօրոցի մէջ տղայ

մաց: “Երեխան, երեխան, պոռաց մայրդ. եւ վագեց դէպի տուն: Ես մնացի երկու սրի մէջտեղում, չէի իմանում, դէպի ո՞ր կողմը դառնամ: Եթէ աղջիկներին թողնէի, քրդերը կը տանէին. — լաւ է, ասեցի, դրանց տանեմ մի տեղ թաքցնեմ, յետոյ դառնամ դէպի մայրը: Եղբօրդ եւ քոյրերիդ թաքցրի դիւղց հեռու գարու արտի մէջ եւ շուտով վագեցի դէպի մայրդ: Երբ հասայ, տեսայ, տունը վառվում էր բոցերի մէջ. բայց խեղճ կինը ո՞չ իմ կանչելուն ականջ դրեց եւ ո՞չ էլ բոցերին մախկ տուեց, մասւ կրակի մէջ. այն րոսկէում փուլ եկաւ կտուրը, եւ նա էլ դուրս չեկաւ...”

Քարացածի նման լսում էր երիտասարդը այս բոլորը. նա գունաթափու ել էր մալմարիոնի պէս, եւ բարակ շրթունքները դողդողում էին տենդային անհանգստութեամբ: Արտասուք նրա աչքերում չէր երեւում:

— Հայրա ինչո՞ւ գնաց Բաշեալա, հարցրեց նա դոզդոջուն ձայնով:

— Երբ լսեցին, թէ Շէյիը հրամացել է դաւուրներին կոտորել, ամենի վրայ երկիւղ ընկաւ, չէին իմանում, թէ ի՞նչ անեն, ո՞ր կողմը վախչեն, որ աղտառեն: Այն ժամանակ հայրդ հաւաքեց դիւղերի տանուտէրներին երկու քահանայի ու մի վարդապետի հետ գնացին Բաշեալա, որ մուդիրին, գայմաղամին ասեն, որ նրանք ասկ ար (զինուոր) ուղարկեն երկիրը պահպանելու: Մուզիրն ու գայմագամը առաջ խոստացել էին, թէ ասկար կ'ուղարկեն յետոյ այսօր էգուց զցելով, այնքան ուշացրել էին, մինչեւ քուրզը եկաւ, իր բանը տեսաւ... Յետոյ գնացողներն տեսնելով, որ գայմաղամը խաբում է, յշալ կտրած յետ էին դարձել: Բայց քուրդերը իմանալով, որ գայմաղամի մօտ էին գնացել, Ճանապարհին բռնել էին,

եւ այնպէս էին արել, որ դու ինքդ քո բարի աչքով տեսար...

— Հիմայ որտեղ են քոյրերս, եղբայրս, հարցրեց երիտասարդը, երկշու վատահութեամբ, մի գուցէ նրանց էլ մի փորձանք պատահած լինի:

— Նրանք հիմայ լաւ տեղում են. ես տարայ նրանց մեր էլի (ցեղի) մէջ. մեր շաղբումն են կենում կնոջս մօտ: — Դու չես իմանում, Սարհատ, ես ախար հիմայ կին ունեմ, մի երեխայ էլ ունեմ, մի սիրուն երեխայ: Հայրդ (Աստուած նրա հոգին լցուի բաժին անէ) ինձ պատկեց, մի լաւ աղջիկ բերեց, եւ հարիւր ոչխար էլ տուեց, ասում էր. “Մըստօ, բաւական է ինչ որ ծառայեցիր, գնա դրանից յետոյ քեզ համար ապրիր, տուն ու տեղի տէր դարձիլ”: Բայց ես ձեր տան հայը կերել էի. նրանով էի մեծացել, ասում էի, — չէ, աղայ, քո տան մէջ պէտք է մեռնեմ, եւ քանի Սարհատը չի եկել, ես քո մեծ որդին կը լինեմ:

Երիտասարդի սիրաը չը դիմացաւ այս խօսքերին, նա զրկեց Մըստօին, եւ ճակատիցը համբուրեց, ասելով.

— Դարձեալ դու իմ եղբայրը կը լինես, բարի Մըստօ, ես քեզանից չեմ բաժանուի: — Բայց դու այն ասա, կարծում ե՞ս, որ եղբայրս եւ քոյրերս ձեր շաղբում ապահով կը մնան:

Պատանի քուրդը ինքնավստահ պարծենկոտութեամբ պատասխանեց.

— Շէյիս Քալալէդինը իր բոլոր աւազակներով Մըստօի շաղբը մանել չէ կարող: Դու ինքդ լաւ ես իմանում եղիդիների էյր աթը (նախանձախնդրութիւնը). մի մարդ, ինչ ազգից էլ որ լինէր նա, երբ մտնում է եղիդիի շաղբի տակը, այն ցեղի բարի հիւկն

է համարվում. այն ժամանակ բոլոր ցեղը իր արիւնը կը թափի եւ իր հիւրին թշնամու ձեռքը չի տայ:

Յանկարծ նա խօսքը կտրեց եւ սկսեց ուշադրութեամբ ականջ դնել:

— Հոռմ են, հարցրեց նա, այդ ձայները:

— Ի՞նչ ձայներ, հարցրեց երիտասարդը, որովհետեւ նա այն աստիճան խոռվուած էր, որ ոչինչ ձայն չէր լսում:

— Երգում են... Այսպէս երգում է քուրդը, երբ թալան եւ գերիներ է տանում:

— Ուրեմն գնանք, ասաց երիտասարդը:

— Գնանք, կրկնեց պատահին:

Երկուքն էլ դիմեցին դէպի այն կողմը, որտեղց լսել էին լինում ձայները:

Զ.

Կէս ժամից յետոյ նրանք գտնվում էին մի լեռան բարձրաւանդակի վրայ, որտեղց նկատեցին ձորի մէջ մի լնթացող քարաւան, որը հեռաւորութեան պատճառով թէեւ պարզ չէր նշմարվում, բայց նրա օտարոտի երեւոյթը խիստ կասկածաւոր ձեւ էր տալիս նրան:

— Մենք քարաւանի առաջը կը կարենք, թէ որ այս կողմով գնանք, ասաց Մըստոն, ցոյց տալով հազիւ նկատելի շաւիղը, որ միայն որսորդներին էր մատչելի:

— Բայց ես չեմ ուզում, որ նրանք տեսնեն մեզ, ասաց Մարհատը խորհրդաւոր ձայնով:

— Տեսնել չեն կարող, հազար աչք էլ ունենան տեսնել չեն կարող. այս լեռները ես ձանաչում եմ, որպէս իմ հինգ մատը: Գնանք:

Մըստօի ընտրած ճանապարհը, թէեւ շատ դժուարին էր եւ անդադար սարսափելի ելեւէջներով էր գնում,

բայց այնքան կարճ եւ կտրուկ էր, որ շուտով նրանք անցան քարաւանը, եւ անտեսանելի կերպով թաքչելով թփերի մէջ, սկսեցին հեռուից դիտել նրան: Մարհատը մի հարեւանցի հայեացք ձգելով քարաւանի վրայ, տեսաւ, որ դա քուրդ ասպատակների մի մեծ խումբ էր, որ տանում էին աւար եւ գերիներ: Նա դարձաւ դէպի իր ընկերը այս խօսքերով.

— Կարող ես, Մըստօ, մի կերպով սանել այս քարաւանի մէջ եւ իմանալ, թէ գերիները ո՞ր տեղից են բերում, ո՞ւր են տանում եւ այս դիշեր ո՞րտեղ կիցեւանեն կամ իրանք քրդերը ինչ ցեղից են:

— Բոլորը կարող եմ դիտենալ:

— Ի՞նչպէս կը մտնես նրանց մէջ:

— Ինչպէս պէտք է մտնել, ինձ խօ չեն ուտի. կը գնամ, բարեւ կը տամ, քէֆները կը հարցնեմ, յետոյ ես դիտեմ, թէ ինչ կ'ասեմ...

— Լաւ, գնա, չուշանան:

Մըստօն սատանայի նման աներեւութացաւ: Իսկ Մարհատը այժմ սկսեց աւելի հետաքրքրութեամբ նայել քարաւանին: Ի՞նչ էր տեսածը: Չիաւոր քրդերի մի բազմաթիւն, եղների, աւանակների եւ սայլերի վրայ բարձած, քշում էին խառնիճաղանձ քարաւանը, որ տանում էր տնային կարասիք եւ զանազան տեսակ իրեղներ: Բեռների վրայ կազել էին մի-մի կամ երկու կին, աղջիկ եւ մանկահասակ պատանիներ: Աւարը եւ գերիները միասին մի բեռն էին կազմում եւ քշում էին առաջ ամենայն սաստիւթեամբ: Նրանք տարվում էին այն անսառունների վրայ, որ պատկանում էին թշուառ գերիների ծնողներին: Տէրը իր անսառունի վրայ նստած, գերի էր գնում: Քարաւանի ընթացքը շտապեցնելու

համար քրդելը ցցած ունեին իրանց նիղակների ծայրելին մարդկային կառավիներ. ծնողների կտրած գլուխը ցոյց էին տալիս որդիներին, որպէս մի խրառիլ, որ վախենան, որ փորձ չը փորձեն փախչելու, շուտ-շուտ գնան, ուր որ տանում են նրանց եւ ձայն չը հանեն...

Սարհատը երկար նայել չը կարողացաւ, նրա գլուխը պարտուեցաւ, եւ քարաւանը անցաւ:

Նրան այնպէս էր թուռում, որ աշխարհս փոխուել է, նեռը յայտնուել է, եւ մարդը, Աստուծու պատկերը, կատաղի գաղան դարձած, իր նման մարդերի արիւնը ծծում է, նրանց միսը ուտում է։ Նա շատ էր ցանկանում ինքն էլ նոյն դաշտաներից մէկը լինել, եւ դրա համար այրական սիրա եւ բաւական քաջութիւն ունէր. բայց տիսոսում էր, որ մենակ է, շատ ընկերներ չունի:

Յուսահատութիւնը շատ անգամ ակամայ կերպով ձգում է մարդուն ծայրայիշը մտածութիւնների մէջ։ Սարհատը բնութեամբ բարի էր, բայց հանգամանքները նրան չար էին շնորհ։ Նա տեսնում էր մի ամրող ժողովուրդ, եւ այն ժողովուրդը, որին ինքն էլ էր պատկանում, հաւի նման մորթում են, տունը աւերակ են դարձնում, կայքը յափշտակում են, որդիքը գերի են տանում, — եւ այդ ժողովուրդը ոչինչ միջոցներ չունի պաշտպանուելու։ Նա զիտէր, որ այս սոսկալի պատահանելը դարերով կրկնվում են նոյն ժողովրդի հետ եւ տակաւին նա չէ մտածել լնդդիմադրութեան մի զօրութիւն կապելու։ «Եթէ կարիքը, ասում էր նա, մարդու վարպետ է անում, եղանակների խստութիւններից պաշտպանուելու համար նա հագուստ է հնարում, զազաններից պաշտպանուելու համար զէնքեր է հնարում,

ինչու չէ մտածում նա մի եւ նոյն խելքը բանացնել մարդակերպ գաղանների ձեռքում զոհ չը դառնալու համար։ Այսպէս մտածելով, Սարհատը այն եղբակացութեան էր հասնում, թէ այն ժողովուրդը ինքն էր մեղաւոր, որ կեանքի պահանջները չէր հասկացել, եւ չէր մտածում թէ ինքը երկրի վրայ է բնակվում, մարդիկների հետ գործ ունի եւ ոչ թէ հրեշտակների հետ...

Սարհատը երկար էր թափառել երկրի վրայ, շատ ազգեր եւ շատ աշխարհներ էր տեսել, բայց իր կեանքում ոչ մի լաւ մարդու չէր հանդիպել, եւ այդ պատճառով, նա մարդկանց վրայ կազմել էր խիստ վատ գաղափար։ Բոլոր մարդերին նա աւագակն էր էր համարում, այն զանազանութեամբ միայն, որ մէկը կոպիտ սրով է յափշտակում, միւսը խելքով, երրորդը արհեստով, չորրորդը մարդասիրութեան եւ քաղաքակրթութեան անունով եւ այլն։

Այս տեսակ մտքեր բացտարելու համար Սարհատը իր առանձին լեզուն եւ արտասանութեան ձեւերն ունէր. «աւագակութիւնը, ասում էր նա, մարդկանց մէջ զանազան գոյներով եւ շատ անգամ գեղեցիկ ծրարներով է յայտնվում. դու պատառիր արտաքին կեղեւը, եւ կը տեսնես միջուկը աւագակութիւն է, եւ աւելի ոչինչ։»

Սարհատը ինքն էլ աւագակ էր, մի աղիւնահեղ եւ սոսկալի աւագակ։ Նա եթէ ծնուած լինէր մի ուրիշ երկրի վրայ եւ մեծանար մի ուրիշ շրջանում, գուցէ ուրիշ տեսակ մարդ, կամ այլ տեսակ աւագակ կը գառնար, որովհետեւ ամեն մի աւագակի գործունեութիւնը համապատասխանում է նոյն հասարակութեան, որի միջից նա յայտնվում է։ Աւագակը մի սարսափելի բողոք է հասարակութեան անկարգ կազմակերպութեան դէմ։

Հայաստանի լեռների վրայ, ուր երկու հակառակ ծայրերի վրայ կանգնած են երկու հակառակ ազգութիւններ, — մէկը՝ վերջին ստրկութեան հասած հայը, միւսը՝ վերջին բարբարոսութեան հասած մահմետականը, — եւ եթէ ստրուկների կողմից բողոքէ բարձրանում դէպի բռնակալութիւնը, դա բնականաբար պիտի ընդունէր ոչ այլ կերպարանք, բայց միայն Սարհատի աւազակային կերպարանքը...»

Բայց զարմանալին այն էր, թէ ինչո՞ւ այնքան փոքր էր Սարհատների թիւը. նրա ամբողջ հրոսակը կազմուած էր տասներկու քաջերից, որոնց նաև կոչում էր «աւազակների առաքելութիւն»: — Այս հարցը բացատրելու համար պէսք է երկար ու բարակ քննութիւնների մէջ մանենք: մենք թողնում ենք այդ, ահա Մըստօն կրկին յայտնուեցաւ, տեսնենք, նա ինչ է ասում:

— Ամեն բան իմացայ, ասաց նա:

— Մէկ-մէկ ասա՛, ինչ որ կը հարցնեմ խօսեց Սարհատը: — Զիաւորները քանի՞ հոգի էին:

— Համբարեցի, յիսունից աւել չեն:

— Որ ցեղից են:

— Հարտոշի են¹:

— Գերիները եւ թալանը ո՞ր կողմից են բերում:

— Շատախու կողմերից²:

— Ո՞ր պիտի տանեն:

— Դէպի Սօմայի³:

— Այս գիշեր ո՞րտեղ միտք ունեն իջեւանելու:

¹ Քրդերի կիսավայրենի ցեղ է, որ բոլորովին հաստատաբնակ կեանք վարում:

² Մի գաւառ է Վասպուրականնաւմ:

³ Մի գաւառ է Պարսկաստանի Ուրմի նահանգի մօտ:

— Հասպիստանի հովհանների մէջ, Խանսա-Սօղի մօտ:

Սարհատը թողեց իր հարց ու փորձը եւ սկսեց մատներով լուռ մի բան հաշուել. յետոյ նա կրկին դարձաւ դէպի պատանին.

— Ի՞նչ ես կարծում, Մըստօն, դրանք երբ կը հանեն Սախկալ-Թութան կիրճին:

Մըստօն բոպէական մտածութիւնից յետոյ պատասխանեց.

— Սախկալ-Թութան¹ կիրճին կը հանեն, երբ արեւը մտնելու մօտ կը լինի:

— Ես էլ այսպէս եմ կարծում, ասաց Սարհատը:

— Հիմայ լսիր, Մըստօն, աւելացրեց նա. — Ի՞նչքան ժամանակում կը հանես մինչեւ Բիժինկերտ գիւղը: — Ճանաչում ես:

— Ուղեղ կէսօրին այնտեղ կը լինեմ:

— Շատ լաւ, շարունակեց Սարհատը. — գու տեսել ես Բիժինկերտից փոքր ինչ հեռու ձորի մէջ մի մատուռ:

— Տեսել եմ, երկուսն է, մէկը քանդուած է: Ո՞ն ես ասում:

— Հէնց այն քանդուածն եմ ասում:

— Ճանաչում եմ: Մի գիշել այնտեղ թաք եմ կացել, երբ մի ձի էի գողացել: Լաւ թաքնուելու տեղ է:

Սարհատը յետոյ ուրիշ հարց առաջարկեց:

— Ի՞նչ տեսակ կենդանիների ձայնին նմանեցնել կարող ես:

— Շատերի. — շան նման հաջել գիտեմ, աքլարի նման խօսել գիտեմ, էշի նման կը զռամ, գայլի նման

¹ Սախկալ-Թութան նշանակում է մօրուքից բանող. այսպէս կոչվում են առհասարակ այն նեղ եւ գժուար անցաների կիրճները, որոնց մէջ աւազակներն աւելի հեշտութեամբ են որում ճանապարհորդներին:

կոռնամ, գառան նման կը մնամ, կատուի նման միայն կանեմ, յոպոպի նման բի-բու կ'անեմ. — էլ ինչ ես ուզում: Ուրիշ շատերն էլ գիտեմ:

— Այդ վերջինը բաւական է: Հիմայ լիր: Ուղեղ կը գնաս գեղի այն քանդուած մատուռը, որտեղ գողացած ձին թաքցրիր: Դուռ չը հասած մատուռին մի բլուր կայ...

— Որի զլսին տնկած է մի ծակ քար, աւելացրեց Սրստօն:

— Այ՛: Այն ծակ քարի մօտ կը կանգնես, երեք անգամ յոպոպի ձայն կը հանես. քեզ կը պատասխանեն նոյն ձայնով: Յետոյ ձայնդ կը փոխես. երկու անգամ բուի ձայնով կը կանչես: Այն ժամանակ քեզ մօտ կը յայտնուի մի մարդ: Դու նրան կասես, դեռ արեւը մայր չը մտած պատրաստ լինեն Սախկալ-Թութան կիրճի մատակյացում:

— Կարելի է, նա հարցնէ, թէ քեզ ո՞վ ուղարկեց:

— Իմ անունը կը յայտնես:

— Կարելի է, նա չը հաւատայ:

— Այս մատանին ցցց կը տաս:

Սարհատը հանեց իր մատից մատանին եւ տուեց Սրստօնին:

— Կարելի է, նա հարցրեց, թէ ինչ գործի համար է:

— Դու կը պատմես այդ գերիները տանող քարաւանի մասին բոլորը, ինչ որ տեսար, եւ կ'ասես, թէ քարաւանը Սախկալ-Թութան կիրճն մեջ մտածին պէս, պէտք է նրա առաջը կտրենք, որ գերիները ու թալանը լոլենք քուրդերից:

— Իմոցայ: Նրանք քանի՞ հոգի են:

— Տասն եւ երկու:

— Ովքեր են:

— Իմ ընկերները:

— Տասն եւ երկու հոգին բաւական է յիսունի գէմ Սախկալ-Թութան կիրճում, նկատեց Մըստօն. — Ես էլ նրանց հետ տասն եւ երեք կը լինենք: Բայց 13 թիւը նաս է:

— Ինձ էլ հաշուելու լինես, 14 հոգի կը լինենք, ասաց Սարհատը, 14-ը նաս¹ չէ:

— Մկանից չորս հոգի բաւական է, որ կիրճի դուռը կտրէ, էլ ինքը սատանան չէ կարող այնտեղից դուրս գալ, նկատեց Մըստօն. — Ի՞նչ լաւ տեղ ընտրեցիւ, աղայ, բայց դու ո՞ւր կը մնաս:

— Ես ծածուկ կը հետեւեմ քարաւանին, մինչեւ կիրճին հանելը: Բայց գու այն ասա՛, ոտքդ քեզ խօ չի² նեղացնի. մինչեւ Բիժնիները բաւական հեռու է:

— Ո՛չ, չի նեղացնի, անիծուած գնդակը մնի միշովն է անցել, ոսկորին չէ դիպել. մահլամ եմ գլելու պինդ կապել:

— Վերքը քանի՞ օրուայ է:

— Երեք օրուայ, այսպիսի վերքեր շատ է տեսել Մըստօն. վեաս չունի:

— Դէ՛չ, հիմայ գնա՞:

Սարհատը եւ Մըստօն բաժանուեցան, մէկը սկսեց գնալ գեղի քանդուած մատուռը, միւսը տիսեց զարտուղի ճանապարհներով հետեւել գերիվարներին:

¹ Նաս նշանակում է անբարի կամ չարագուշակ: 13 թիւը նաս է համարվում մահմետակաների մէջ. համբարելու միջոցին 13 թուին հասնելու ժամանակ մահմետականը միշտ անց է կացնում, ասելով. “13 չէ”:

Ե.

Սարհատի հետ բաւական ծանօթ է ընթերցողը, հարկաւոր է փոքր ինչ ծանօթանալ եւ նրա ընկերների հետ, որոնցից կազմուած էր նրա հրոսակը: Չը նայելով, որ Սարհատը էր պետը եւ զիսաւորը իր խումբի, բայց բոլորին “եղբայր”, էր կոչում: Եւ իրաւ, այս կոչմանը արժանի էին նրանք, միացած լինելով եղբայրական խիստ սերտ կապերով: Նրա խումբը հաւաքուած էր զանազան տեղերից գանազան ժամանակներում, որոնց թիւը տասն եւ երկուսից խիստ հազեւ էր անցնում: Նրանց մէջ կային սասունցիք, զէյթունցիք, շատախցիք, գիարբէքիցիք: Նրանց մէջ կային մի քահանայ Խարբերդի քրդակառ հայերից եւ մի վարժապետ: Այս վերջնը Կ. Պոլսում բարեգործական նապատակով կազմուած մի ընկերութեան անդամ էր, որ ուղարկուել էր Վանայ կողմերի գիւղօրայքում կրթութիւն տարածելու, բայց ռուս-թիւրքական պատերազմի խովովութիւնների ժամանակ նա միացաւ Սարհատի խումբի հետ, երբ քրդերը նրան իր գիւղական դպրոցի մէջ աշակերտների առջեւ սաստիկ ծեծեցին, եւ նրա սանիկներից մի քանիսը առեւանդեցին, եւ մի քանի օրից յետոյ կրկին բաց թողեցին:

Սարհատի խումբը կազմուած էր քուրդի կերպարան-քով եւ գործում էր քուրդի անունով: “Հայ”, անունից խորշում էր նա, ոչ թէ այն պատճառով որ այդ անունը ատելի էր նրան, այլ ընդհակառակն, սիրում էր նա հայութիւնը, — բայց այդ անունը անհամապատասխան էր գտնում թէ իր պաշտօնին եւ թէ նապատակներին: Իր թափառական կեանքում, թէ նա ինքը, եւ թէ իր խումբը անդադար զարկվում էին քրդերի հետ, եւ անդադար որ եւ իցէ թշնամական հաշեւ էին վերջացնում

այս եւ այն մահմետական ցեղի հետ, բայց եթէ ցոյց տային, թէ իրանք հայեր են, այն ժամանակ իրանց հակառակորդները կարող էին վըէժինդիր լինել այն ողովակի եւ անպաշտպան հայերից, որոնք գուցէ Սարհատի գոյութեան մասին ամենեւին տեղեկութիւն եւս չունեին:

Սարհատը իր խումբի հետ Դիարբէքիրի կողմերումն էր, երբ լսեց քուրդերի կատաղ շարժումը, երբ խմացաւ Զալալէդինի սարսափելի դիտաւորութիւնը եւ երբ յայտնի եղաւ նրան Շէյխ հբադուլսահի դժոխային խորհուրդը: Նա խկցն իւրայիններով շտապեց գէպի Աղքակայ կողմերը: Երկու ցանկութիւն նրան քաշեց գէպի իր հայրենիքը, որին վաղուց մոռացել էր: առաջինը, Աղքակը քուրդերի արշաւանքի գծի վրայ գտանվելով, աւելի պէտք է ենթարկուէր նրանց սապատակութիւններին, մտածում էր իր հայրենակիցներին օգնութեան ձեռք հասցնել: Երկրորդ, որ աւելի զիսաւորն էր, այստեղ կար մէկը, որին նուիրուած էր իր բոլոր սրտով:

Սարհատի այն խօսքերը, որ նա արտայայտում էր իր հայրենիքի աւերակների վրայ շրջելու ժամանակ, այն խօսքերը, որ նա այնքան անգութ կերպով դուրս թափեց իր հօր առջեւ նրա հոգեվարքի ըոպէներում, — այս բոլորը յուսահատ սրտից դուրս բղևած հառաջանքներ էին, այս բոլորը դամբանական ողբեր էին, որ նա կարդում էր իր հայրենիքի գերեզմանական անշարժութեան վրայ: Նա զայրանում էր, նրա վրդովմունքը կատաղութեան եւ խելագարութեան էր հասցնում նրան, երբ տեսնում էր, որ իր հայրենիքը այն չէր, ինչ որ ինքը ցանկանում էր որ լինէր: Նա շատ լաւ էր հասկանում իր վեճակի բոլոր վատթարութիւնը, նա ինքը սարսափում էր իր արիւնու ձեռքերից, թէ եւ այն ձեռքերը միշտ թշուառների պաշտ-

պան են եղել, եւ ելքեք չեն թափել մի անմեղ արիւն, — բայց նրա անձնասիրութիւնը վերաւորվում էր, տեսնելով, որ ինքը իր բոլոր արժանաւորութիւններով ստիպուած էր լինել մի աւազակային հրոսակի գլխաւոր, մինչդեռ կարող էր ամբողջ գունդերի հրամայել եւ իր հայրենիքը մաքրել աւազակներից...

Դեռ Աղքակ չը հասած, նա իր ընկերներին առաջարկեց այնտեղ, պատուիրելով հարկաւորած օգնութիւնը մատուցանել տեղային բնակիչներին, իսկ ինքը մենակ ուղեւորուեցաւ դէպի Վան քաղաքը: Այնտեղ նա ներկայացաւ փաշային, եւ յայտնելով այն վտանգը, որ սպառնում է Աղքակայ հայերին, խնդրեց, որ իրան թոյլ տան՝ տեղային բնակիչներից կազմել մի գունդ՝ երկիրը քրդերի եւ բաշխրօնուիների ասպատակութիւններից պաշտպանելու համար: Բայց նրա խնդիրը չընդունուեցաւ, նրան պատասխանեցին, թէ “կառավարութիւնը ինքն ամեն խնամքներ գործ է զրել երկրի հանգստութիւնը պահպանելու համար”:

Նա ինքը շատ լաւ էր հասկանում այս խօսքերի նշանակութիւնը եւ վերադառնաւ Վանից առանց բաւականութիւն ստանալու: Եւ այս էր պատճառը, որ մենք առաջին անգամ հանդիպեցինք նրան Խոշաբայ ձորում, միայնակ Վանից դառնալիս, տխուր եւ յուսահատ:

Բայց նրա եռանդը դեռ բոլորովին չէր թուլացել: Նրբ մոտաւ Աղքակ, կրկին փորձ փորձեց իրագործել իր նպատակը: Նա դիմեց մի քանի քահանաների, վարդապետների եւ տանուտէրների, աշխատում էր նրանց համոզել, թէ պէտք է զինուորել ժողովուրդը գալոց վտանգի առաջը առնելու համար: Քաղակէդին դեռ այն ժամանակ չէր սկսել իր արշաւանքը, բայց ամեն տեղ սկսուել

էին նկատելի լինել քրդերի բարբարոսութիւններն: Նա օրինակ էր բերում իրանց դրացի ծոլամէրիկի ասորիներին, որոնք զինուորուած էին եւ ոչ մի քուրդ նրանց երկիրը ոտք կոխել չէր կարողանում, եւ ոչ ինքը կառավարութիւնը կարողացաւ նրանց զինաթափ անել. որովհետեւ պատասխանում էին, թէ մենք պէտք է որ մեր զուկոր սլահենք, երբ որ կառավարութիւնը մեղ պահպանելու շնորհք չունի: Նա այսպիսի շատ օրինակներ էր բերում, քաջալերական խրախոյաներ էր տալիս, յորդորում էր եւ ուրիշ շատ բաներ էր ասում... Բայց քահանաները, վարդապետները եւ ժողովրդի իշխանները նրան յիմարի եւ խելագարի տեղ էին գնում... Այս աւելի վշտացրեց նրան, քան թէ փաշայի խարէութիւնը, եւ այն ժամանակ նա աւելի համոզուեցաւ, թէ այդ ժողովուրդն ինքն է դատապարտել իրան մի ցած ստրկութեան. թէ նա ինքն է պատրաստել իր համար մի այնպիսի թշուառ ներկայ...

Այն օրից, որ բաժանուել էր նա իր ընկերներից, նրանց մասին տեղեկութիւն չուներ, եւ չը գիտեր, թէ որտեղ մնացին կամ ի՞նչ շնուցին: Միայն այն օրը մի պայմաննեալ օր էր, որ նրանք ամեն կողմից պէտք է հաւաքվէին “քանդուած մատուոի” մօտակայքում, եւ ինքն այնտեղ գնալով, պէտք է տեսնուեր իր ընկերների հետ: Բայց գերեվար քարաւանի անակնկալ հանդիպումը նրան ստիպեց ուղարկել իր հաւատարիմ Մըստօին նրանց կանչելու Սախկալ-Թութան կիրճի մօտ, որտեղ գուցէ կարողանային ազատել թշուառ գերիներին:

Մըստօի ձեռնարկութիւնը անպառուղ չը մնաց. Կանակած ժամում Սարհատի ամբողջ խումբը պատրաստ էր Սախկալ-Թութանի մօտ: Ինքը նոյնպէս հասաւ

այնտեղ։ Տեսնելով իր ընկերներին, նա համբուրուեցաւ բոլորի հետ, ասելով.

— Ուրախ եմ, որ ամենիդ մարմառով առողջ եմ գտնում, թէեւ համոզուած եմ, որ սրտով ձեղանից ամեն մէկը վերաւորուած է, վշտացած է, տեսնելով այնքան աւերածներ եւ կոտորածներ, որ գործել է բարբարոս ձեռքը։ Բայց այսօր մի գեղեցիկ դէպք առիթ կը տայ ձեղ գործ դնել ձեր քաջութիւնը, եւ զրա համար էլ կանչեցի ձեղ։ Մենք 14 հոդով գործ պէտք է ունենանք աւելի քան յիսուն հոգի վայրենի հարտօշեների հետ։

— Մըստօն բոլորը պատմել է մեզ, պատասխանեց քահանան, որին այժմ կոչում էին Դալբ-Բաբայ¹։ — Այս խաչով (նա ցցց տուեց իր սուրբ) հարտօշեների զլին մի լաւ “պահպանիչ” կը կարդամ։

— Դէպքը, իրաւ, գեղեցիկ է, այս կիրճի մէջ մի զրւարձալի խաղ կունենանք հարտօշեների հետ, ասաց ողեւորուած վարժապետը, որին այժմ կոչում էին Քիթաբ-Դալբիսի²։

— Հարտօշեների հետ լաւ է գործ ունենալ նեղ ծակերում. այդ անիծուածները իրանց բերաններից էլ են կրակ փչում, ասաց սասունցի Յարօն, որին կոչում էին Սասուն Այլսը, այսինքն՝ Սասունի արծ։

— Այդ գատարկախօսութիւններով ժամանակ ենք կորցնում, հարտօշեները հեշտ ուտելու պատառ չեն... նկատեց զէյթունցի Ներսօն, որին կոչում էին Զէյթուն-Քայասը, այսինքն՝ Զէյթունի ժայռ։

¹ Դալբ-Բաբայ նշանակում է գիտ հայր, այդ անունը իիստ յատկանիշ էր նրա տարապայման բնաւորութեանը, որ փոքել էր քրիստոնէական ներողամութիւնը հին կտակարանի զրէժինդրութեան հետ։

² Քիթաբ-Դալբիսի նշանակում է գրքից խելագարուած։

— Իրաւ, ժամանակը թանգ է մեզ, խօսեց Սարհատը. — մտածենք գործի վրայ։ Հարտօշեները ձեզ յայտնի են իրանց քաջութեամբ, նրանց հետ երեխայի խաղ ունենալ անմտութիւն է։ Մեզ կը նպաստէ միայն տեղը եւ դիրքը, եւ այս պատճառով ես ընտրեցի այս կիրճը։ Ձեզանից ամեն մէկը թաքնուած կը լինի քարաժայուերի ետեւում, եւ այնքան կը սպասէ, մինչեւ ամբողջ քարաւանը կը լցուի կիրճի մէջ։ այն ժամանակի դուք պէտք է բաժանուեք երկու մասն, եօթ հոգի պէտք է փակէ կիրճի մուտքը, իսկ եօթ հոգին նրա ելքը։ Մենք 14 հոգի ենք։ Ես կը տամ յարձակողական նշանը բազէի ձայնով։ Աշխատեցէք, որքան կարելի է, հեռու մնալ արիւնչեղութիւնից։ Խօսեցէք միշտ Ռաւանդների բարբառով, որովհետեւ Ռաւանդները հարտօշեների հետ մի թշնամի ցեղ են։ Թող նրանք կարծեն, թէ գործ ունեն Ռաւանդների հետ։ Նթէ անձնատուր եղան, պայմանների մասին կը խօսեմ ես։ Յարձակումները միշտ մի անդամ չեն. Չող զարձակումները միշտ մի անդամ է լինեն, շուտուած փոխեցէք ձեր դիրքը, որ թշնամին կարծէ, թէ բազմաթիւ էք։ Փախչելու աշխատողներին խակոյն ծածկեցէք, որ ուրիշ տեղ խարար չը տանեն։

Սախկալ-Թութանը այն սարսափելի կիրճներից մէկն էր, որի նմանը շատ անգամ հանդիպում է Հայաստանի լեռներում։ Նրա աջ եւ ձախ կողմերից սեպացած ժայռերը պարսպածեւ բարձրանում էին, մէջաւեղում թողնելով մի նեղ անցք, որի միջով քարաւանը անցնելու համար հարկաւոր էր, որ բոլոր գրաստները մինը միւսի ետեւից շարուած լինէին, որովհետեւ մօտէմօտ գնալու համար բաւական նեղ էր ճանապարհը։

Նրանք գտան քարաւանը այս զրութեան մէջ շարուած կիրճի մուտքից սկսեալ մինչեւ նրա ելքը։ Յոդ-

նած քարաւանը խիստ դանդաղ էր ընթանում: Սարհատը գործը այնքան յետ ձգեց, մինչեւ արեւը մտաւ եւ բոլորովին մթնեց: Բայց լուսնեակ դիշեր էր: Այնուհետեւ նա, վեց հոգի իր հետ առնելով, կտրեց կիրճի ելքը. իսկ վեց հոգի Դալէ-Բաբային յանձնելով, պատուիրեց կտրել կիրճի մուտքը: Քարաւանը մնաց մէջ տեղում նեղ փապարում լցուած: Քարաւանը նցն զրութեան մէջ էր գտնվում, որպէս թէ ածած լինէր մի հսկայական խողովակի մէջ, որի երկու ծայրերը փակուած էին:

Բագէի սուր եւ ձգական ձայնը հնչեց, որպէս թէ մօտենում է իր որսին: Զանազան տեղերից լսելի եղան հրացանների որոտմունքներ: Կիրճի մէջ սկսուեց մի աղմկալի իրարանցում եւ բարձրացաւ խուլ դղզիւն: Հարտօշիները կատաղած դապանների նման սկսեցին այս կողմ եւ այն կողմ վազվելու. բայց ամեն տեղ հանդիպում էին որոտացող կրակների: Առիւծը ընկած էր երկաթի վանդակի մէջ:

Քուրդը վտանգի բոպէներում ցոյց է տալիս իր բնաւորութեան բոլոր վսեմութիւնը: Նա վիշապ է դառնում եւ կամենում է լեռները, ժայռերը կանել: Կիրճի աշազին պարապաձեւ շղթաները եւս ոչինչ էին թուում կատաղած Հարտօշի աչքին. Նա վազրի նման մագլուում էր սեւացած ժայռերը, որ վեր բարձրանայ եւ դէմ առ դէմ հանդիպի թշնամուն: Բայց բնութիւնը յաղթող էր հանդիսանում. վազրը սարսափելի բարձրութիւնից կրկին գահավիժվում էր, կրկին գլորվում էր ցած:

Կիրճի մէջ քրդերի կատաղի աղաղակը, զերիների լացն ու կոծը, աջ եւ ձախ որոտացող կրակների բուժիւնը, միախառնուելով, կազմում էին խիստ սոսկալի

ներդաշնակութիւն: Կոյիւր երկու կողմից եւս շարունակվում էր գաղանային յամառութեամբ: Քրդերը վճռել էին մինչեւ վերջին շունչը ընդդիմանալ: Այն ժամանակ բաղէի խորհրդական ձայնը նորից երեք անգամ հնչուեցաւ. դա նշան էր, թէ պէտք չէ գթալ: Գնդակները կարկուտի արագութեամբ սկսան թափուել կիրճի մէջ:

Պարզ-լուսնային գիշերը բաւական նպաստում էր կռուխն, եւ մեր քաջերը չէին վրիպում իրանց նետումներից, եւ կարողանում էին նշան դնել քրդերին միայն, եւ գերիներին չը վնասել:

Մի ամբողջ ժամ եւս յուսահատական յանդնութեամբ կռուելուց յետոյ, քրդերի միջեց լսելի եղաւ մի ձայն՝ “անձնատուր ենք լինում”:: Այն ժամանակ Սարհատը բարձրացաւ մի քարի վրայ եւ սկսեց վերեւից խօսել:

— Աւելի լաւ կը լինէր, որ շուտ անձնատուր լինէիք, այն ժամանտկ գոնէ ձեր մեծ մասը կենդանի մնացած կը լինէր. դուք ձեր յամառութեամբ շատերին կոտորել տուիք: Վնասը մեծ չէ, քաջերի ճակատագիրն է այդ. դովում եմ ձեր յանդնութիւնը: Հիմայ լսեցէք պայմանները. — դուք ամենքդ կը մնաք կիրճի մէջ. բայց աւարը եւ զերիները բաց կը թողնէք իրանց գրաստներով: Մենք ձեզանից չենք խիլ ձեր զէնքերը եւ ձիերը. դրանք պէտք են ձեզ. միայն կողոպուտից ոչինչ չը պէտք է պահէք ձեզ մօտ: Դուք կը մնաք կիրճի մէջ եւ չէք շարժուի մինչեւ առաւտօեան լուսաբացը. այն ժամանակ ազատ էք, որ կողմ կամենաք, գնացէք: — Համաձայն էք:

— “Համաձայն ենք”, լսելի եղաւ կիրճի միջեց: — Ուրեմն բաց թողէք զերիներին եւ աւարը:

Մի քանի ժամուայ մէջ կիրճը դատարկուեցաւ։ Այսեղ մնացին քսան հոգու չափ Հարտօշներ միայն։ — Դալի-Բաբայ, դարձաւ Սարհատը դէպի քահան, քեզ հետ կը վեր առնես չորս հոգի եւ կը քշես քարաւանը դէպի Սալմաստ, մինչեւ արեւի դուրս գալը դուք կ'անցնէք Պարսկաստանի սահմանը, եւ Սալմաստում տեղային հայերի մօտ ողորմելիները ապահով կը լինեն, որովհետեւ այնտեղ են փախել բոլոր աղքակեցիք, որոնք ազատուել են քրդերի ձեռքից։ Սալմաստը պարսից երկր է, այնտեղ տաճկաց քրդերը մօւտ դործել չեն կարող։ Լսիր, ամենեւին ցոյց չը պէտք է տաս հայութիւնդ եւ գերիները չը պէտք է գիտենան, թէ ովազատեց նրանց։ Պարսից սահմանից դու կը դառնաս քո ընկերների հետ եւ մեզ կը գտնես հրցի-ձորի մէջ, այն քարանձաւում, որ քեզ ծանօթ է։ Իսկ ես այդ անպիտաններին կը պահեմ կիրճի մէջ, մինչեւ դուք բաւական կը հեռանաք, եւ արեւը դեռ չը ծագած, բաց կը թողնեմ։

Դալի-Բաբան համբերութիւնը հատած, պատասխանեց։

— Անիծուած լինեմ, եթէ ես տէրտէր ժամանակս մի այսպիսի երկար քարող եմ տուել։ Օրհնած, ի՞նչ ես ծանր ու բարակ ամեն բան այսափ բրդում։ Ես խոնոր չեմ սովորում իմ գործը։

— “Ուրիշի խրատը լսիր, եւ իմացածդ էլ քեզ պահիր, ” ասել են մեր պապերը, պատասխանեց Սարհատը ծիծաղելով։ — Հիմայ գնացիք։ Տէր ընդ ձեզ։

Քարաւանը սկսեց շարժուել դէպի Սալմաստայ կողմը ազատուած մարդու բոլոր արագութեամբ, որ դեռ նոր փախչում էր վտանգից։ Դիշերային լուութեան մէջ լսելի

էին լինում ջերմ օրհնութիւններ այն բազմաթիւ թշուառների բերաններից, որոնք արտասուալի աչքերով մերձենում էին դէպի իրանց աղատիչները...

Մի քանի օրից յետոյ ամբողջ Աղքակայ գաւառում տարածուել էր մի այսպիսի լուր, թէ Հարտօշները բերելիս են եղել ահագին աւար եւ գերիների մեծ բազմութիւն Շատախի կողմերից, եւ թէ Ռաւանդները վրայ են թափուել եւ Սալմակալ-Թոռթանի կիրճում լուել են Հարտօշներից թէ աւարը եւ թէ գերիները, բայց ուր են տարել, յայտնի չէ։ Սարհատի եւ նրա խումբի մասին ոչինչ չէր խօսվում... Քրդերի մէջ միմեանցից աւար եւ գերիներ լուել այնքան սովորական էր, որ ոչ ոքին չը զարմացրեց յիշեալ լուրը, եւ հայերի վրայ կասկածել անգամ չէին կարող, որովհետեւ հային անընդունակ էին համարում այդ գործին։ Իսկ Սարհատի խումբը իրան ձեւացրել էր Ռաւանդների կերպարանքով, որ Հարտօշների հետ ցեղական թշնամութիւն ունեին։

Ը.

Աղքակայ ամբողջ գաւառում ոչ մի հայ չէր մնացել։ 24 գիւղեր բոլորովին աւերակ եւ դատարկ էին. բնակիչները մասամբ կոտրել էին եւ մասամբ գերի էին տարել քրդերը, իսկ մնացածները փախել էին Պարսից սահմանակից Սալմաստ եւ Սօմայի գաւառները, ապաստանելով տեղային հայերի մօտ։ Արշաւանքը այն աստիճան անակնկալ եւ յանկարծակի էր եղել, որ փախստականներն հազիւ կարողացել էին աղատել իրանց թշուառը, իսկ տուն տեղ, կայք եւ անասուն, բոլորը թղողել էին թշնամուն։

Զալալէդդինի արշաւանքը նման էր մի սարսափելի հեղեղի, որ միանգամնով չէ վերջանում, որ գալիս է, յետոյ ընդհատվում է, եւ կրկին կատաղի հեղեղը սաստկանում է նոր եւ նոր յորձանքներով։ Նա սկզբում իր հետ ունէր հինգ հազար ձիաւոր միայն, որոնցմով դուրս եկաւ Աղքակից, դիմում էր դէպի Բայազէդ, որ կողմում եւ անց էր կենում, թողնում էր իր ետեւից աւերակներ եւ ամայութիւն։ Եւ այնուհետեւ, նրա արշաւանքի ճայնը լսելով հեռաւոր տեղերի քրդերը, խումբերով դուրս էին դալիս, եւ դիմում էին դէպի իրանց առաջնորդի բանակը։ Այս վերջինները լսացնում էին, ինչ որ պակաս էր թողեւ Զալալէդդինը։ Հեղեղի յորձանքը այսպէսով կրկնվում էր, եւ մի եւ նոյն երկիրը մի քանի անգամ ենթարկվում էր ասպատակութիւնների։

Զալալէդդինը, որպէս շէյխ եւ զօրավար, միայն էր, որ յանձն առեց քրդերի զլսաւորութիւնը, առաջնորդելու նրանց դէպի պատերազմի դաշտը։ Բայց քրդերին առաւելապէս գրգռողը եւ նրանց կատաղութիւնը ոգեւորողը էր մի ուրիշ շէյխ, որն իր տեղից չէր շարժուել, որն ամբողջ Քուրդիստանի հոգեւոր գլուխն էր համարվում, եւ ներդործում էր իր սրբազն թղթերով քրդերի գարայքէկների, ղաղիների եւ մուֆթիների վրայ։ Դա Շէյխ Իբադուլլահն էր։ Այդ քրիստոնէութեան երգուեալ թշնամին թշոյ էր տուել ամեն տեսակ անգթութիւններ, եւ հրամայել էր ամենեւին չը ինայելո։

Պատերազմի ժամանակ որպէս քրդերի, նոյնպէս եւ բոլոր մահետական ցեղերի սպառազինութեան պատճառը լինում է՝ կոյր մոլուանդութիւնը մի կողմից եւ կողմառաւածի ու յափշտակութեան ծարաւը միւս կողմից։ Նրանց մէջ խաղ են առնում երկու կրքեր՝ հոգեւոր եւ նիւ-

թական։ առաջինը լցուցանում է նա ոչ մահմետական-ներին մորթելով, իսկ երկրորդին բաւականութիւն է տալիս նրանց կայքը եւ հարսաւութիւնը յափշտակելով։ Եւ այս պատճառով Զալալէդդինի զօրքը խիստ դանդաղ էր ընթանում։ Նա մի կողմից պէտք է հնձէր, բայց իր հունչը իր հետ տանել չէր կարող, — միւս կողմից, հարկաւոր էր հունչը տանել, հասցնել իրանց բնակութեան տեղելը եւ նորից վերադառնալ ու միանալ բանակի հետ եւ շարունակել ընթացքը դէպի Բայազէդ։ Այս էր նրա զօրախումբի անդադար բաժանման եւ կրկին միաւորութեան պատճառը։ Զալալէդդինը իր ճանապարհը մաքրելով էր առաջ ընթանում դէպի Բայազէդ։

Բայց չէ կարելի միանգամն ուրանալ քրդերի մէջ աղնիւ մարդիկ։ Նրանց մէջ կային եւ այնպիսիներն, որոնք զուրկ չէին բարի զգացմունքներից, որոնք չէին մասնակցում վատ գործի։ Այս տեսակ մարդերից մէկն էր Օմար-աղան, իր հօսերով եւ երամակներով հարուստ քուրդը, որը մի փոքրիկ ցեղի զլսաւորն էր։ Նա չը մասնակցեց Զալալէդդինի արշաւանքին։ Եւ լսելով անգութ ծերունիի դիտաւորութիւնը, նա յառաջադրոյն եկաւ Բարդուղիմէոս առաքեալի վանքը եւ յայանեց վանահայր Եղիազար վարդապետին թէ մի քանի օրից յետոյ ինչ գառն վիճակ էր սպասում Աղքակայ Հայերին։ Նա խորհուրդ տուեց վանահօրը օգուտ քաղել վանքի անմասնելի ամրութիւններից, եւ այդ նուիրական բերդը ընտրել որպէս մի պաշտպանողական գիրք, եւ այնտեղ հաւաքելով շրջակայ հայոց գիւղօրայքի հարսաւութիւնները, — այնտեղից ընդգիւմանալ թշնամուն։ Օմար-աղան խոստացաւ ինքն էլ միանալ վանահօր հետ եւ իր խոստմունքը կատարեց գործով, որովհետեւ նա էլ երկիւղ ուներ

Քալալէդդինից, եւ նրա արշաւանքին չը մասնակցելու համար վախենում էր ենթարկուել շեյխի վրէժինդրութեանը։ Նւ այս պատճառով իր տան հարստութիւնը նա հաւաքեց վանքի մէջ, եւ իր մարդիկներով պատրաստ էր հարկաւորած ժամանակ, միանալով հայերի հետ, ընդդիմանալ թշնամուն։

Եղիազար հայր սուրբը ընդունեց իր վաղեմի բարեկամի՝ Օմար-աղայի խորհուրդը, որի հաւատարմութեան վրայ կատարեալ վստահութիւն ունէր, եւ Բալդուղիմէոս առաքեալի վանքի շրջակայ հայոց գիւղօրայքի թէ բնակիչներին եւ թէ նրանց կայքը ու անասունները հաւաքել տուեց վանքի մէջ։

Բարդուղիմէոս առաքեալի վանքը այն հնադարեան վանքերից մէկն էր, որ իր գոյութիւնը պահպանում էր Հուսաւորչի ժամանակներից։ Ամբողջ տասն եւ վեց դար, պատերազմելով բնութեան խստութիւնների եւ բարրարոս ձեռքերի դէմ, այդ վանքը կանգնած էր, որպէս մի հսկայական յիշատակարան կրօնասէր հայի նախկին ճարտարապետութեան։ Նա վկայ է եղել բազմաթիւ եղեռնական անցքերի. նա տեսել էր կրակապաշտ պարսիկների, արաբների եւ մօնզօնների բոլոր անգիւթիւնները։ Նա իր հսկայալ կողքերի վրայ կրում էր բազմաթիւ յիշատակարաններ, թէ քանի՞-քանի՞ անգամ կործանուած է եղել, եւ կրկին հայկական ջերմեռանդութիւնը նորոգել է նրան։

Այդ վանքը բաւական ամուր դիրք ունի. նա կառուցած է մի բլուրի բարձրաւանդակի վրայ, որի գագաթը արհեստական բանուածքով աւելի եւս բարձրանալով, նրա վրայ դրած է վանքի հիմնարկութիւնը։ Բլուրի երեք կողմից շրջապատում է ահագին խորութեամբ մի ձոր,

որի միջով հոսում է Տիգրիսի վերին Ճիւղերից մէկը, որ սովորաբար կոչվում է «Վանքի գետ», Բլուրի չորրորդ կողմը միանում է մի լեռնային թեւքի հետ, որի վրայ դրած է մի հայոց գիւղ, որը վանքի սեփականութիւնը լինելով, կոչվում է «Վանքի գիւղ», եւ նա հարիւր քայլ հազիւ հեռու կը լինի վանքից։

Վանքը պատած է պարիսպներով եւ աշտարակներով։ Նա ունի իր մէջ, բացի հյուշապ տաճարից, շատ խուցեր միաբանութեան համար եւ շատ ուրիշ ծածկոցներ վանքային տնտեսութեան, մշակների եւ անասունների համար։ Երբ որ Զալալէդդինի արշաւանքի ձայնը հասաւ այս կողմերը, վանքի օթեւանները լիքն էին Աղբակայ բնակիչներով, իսկ նրանց թանգագին հարստութիւնները պահուած էին տաճարի գաղտնի պահարաններում։ Եւ «Վանքի գիւղում» հաւաքել էին նրանց անասունները։

«Վանքի գետը», որ հոսում էր ձորի միջով, իր եղելքում թողնում էր բաւական ընդարձակ եւ հարթտարածութիւն, որ պատած էր խոտով, եւ ներկայացնում էր մի կանաչազարդ հովիտ, որ գարնան սկզբում վառվում էր գեղնագոյն ծաղկներով։ Այս մարգագետինների վրայ արածում էին վանքին պատկանող ձիանների երասմակները։

Մի առաւօտ սարսափելով նկատեցին, որ յիշեալ հովտի վրայ, գետի ափերի մօտ, կաղմուած էին բազմաթիւ վրաններ։ Քրդերի խաշնարածները իրաւունք չունէին վանքի մօտ, նրա կալուածների վրայ գետեղել իրանց չաղբները։ ուրեմն դրանք լինելու էին այն ինքնակոչ հիւրերը, որոնց սոսկալի երկիւղով սպասում էին վանականները։ Ամենքը մեծ տաղնապի մէջ ընկան։ Ամեն կողմից ոչխալիներ, կովեր եւ երկրագործական անասուններ սկսեցին

քշել դէպի դիւղը։ Տագնասլը աւելի մեծացաւ, երբ մի հովել ըւր բէրեց վանահօրը, թէ Զարալէդղինը բազմաթիւ քրդերով իջեւանել է վանքի մարգերի վրայ։

Վանահայր Եղիազար վարդապետը մի վեժխարի մարդ էր։ Թէեւ նրա ականջները ծանր էին լսում, բայց անդադար գործ ունենալով քրդերի հետ, որպէս ասում էն, նա սկս քուրդ, էր դարձել, այսինքն աներկիւղ այրական սիրտ էր ստացել։ Երբ լսեց հովելի բերած լուրը, նա ամենեւին ըլ զգաց այն յուսահատական երկիւղը, որ տիրում է թուլասիրտ մարդերին վտանգի ըստէներում։ Վանահայրը նոյն միջոցում նստած էր իր փոքրիկ խոռցի մէջ եւ նրա մօտ գտամվում էր մի քուրդի իշխան բաւական համակրական դէմքով։ Վերջներ Օմար-աղան էր։ Երկուսն էլ դուրս գնացին, երբ լսեցին հովելի խօսքերը։ Նրանք դիմեցին դէպի վանքի արեւելեան սպարսպի կողմը, որաեղից երեւում էր շէյխի բանակը։ Թէ վանահայրը եւ թէ քուրդ աղնուականը, դիտակները ուղելով դէպի բանակը, մի քանի րոպէ շարունակ նսյում էին։

— Նա, է, ասաց Օմար-աղան վրդովուած ձայնով։ — Ճերունի աւաղակը բաւական բազմութիւն է հաւաքել իր շուրջը։

— Ի՞նչ պէտք է արած, հարցրեց վանահայրը ոչ սակաւ խռովութեամբ։

— Ուրիշ հնար ըլ կայ, պատասխանեց քուրդը այժմ աւելի սառն կերպով։ — դուք սպատուիրեցէք ժողովրդին հաւաքուել վանքի պարխապների մէջ, դոները փակել տուեք։ Վանքը բաւական ամօւր է պաշտպանուելու համար։

— Ես էլ այսպէս եմ մաածում, պատասխանեց վարդապետը։ — Ես վանքի պահարաններում բաւական

հրացաններ եւ վառօդ ունեմ թաքցրած, զգուշութեան համար վաղուց պահում էի ինձ մօտ։ Հիմայ հանել կը տամ։ պէտք է բաժանել, որոնք նետելու շնորհք ունեն։ Ես ճանաչում եմ շատերին մերիններից, որ այդ գործին ընդունակ են։

— Իմ մարդիկներն էլ շուտով կը գան, ասաց քուրդը։ — Ժամանակ կորցնել պէտք չէ, ինչ որ անելու էք, մի ուշացնէք։

Վանահայրը հեռացաւ հարկաւորած պատրաստութիւնները կարգադրելու։ Բայց Օմար-աղան գեռ կանգնած էր առաջուայ տեղում եւ դիտակը ձեռին նսյում էր։ Քրդերի մէջ շատ աղանդներ կամ։ Այդ մարդը պատկանում էր մի աղանդի, որ հակառակ էր շէյխի դաւանութեանը։ Աղանդների տարբերութիւնը նոյն ազդեցութիւնն ունի քրդերի վրայ եւ նոյն խտրութիւններն է ձգում նրանց մէջ, որպէս ցեղական տարբերութիւնները, մանաւանդ երբ յարաբերութիւնները կտրուած են լինում թշնամական հանգաւաններով։ Օմար-աղայի ցեղը այսպիսի պատճառներով բաժանուած էր այն ցեղերից, որ հաւաքուել էին շէյխի շուրջը։

Բայց վանահօր դիտաւորութիւնը սաստիկ արգելքների հանդիպեցաւ ժողովրդի կողմից։ ոչ ոք չը ցանկացաւ համաձայնուել նրա հետ։ — Միզ ամենիս կը կոտորեն, ասում էին նրանք, — ում վրայ ենք ձեռք բարձրացնում։ Քրդի մի մազն դիպել անկարելի է։ Անզ կենդանի կ'այրեն, մեր որդիքը, մեր կանայքը կը կոտորեն։ Մինք նրանց չենք ընդդիմանայ, թող գան, ինչ որ ուզում են, թող տանեն, միայն մեզ եւ մեր որդիններին խնայեն, . . .

— Կը գան, ձեր բոլոր ունեցածը կը տանեն եւ ձեզ ու ձեր որդիններին չեն խնայի . . . ասում էր վար-

Դապետը արտասուքը աչքերում: — Ինձ ականջ դրէք.
մեր սուրբ վանքը կը պահպանէ մեզ. մեր յօյսը թռիղ
նրա վրայ դնենք . . . Մեր մէջ շատ տղամարդեր կան . . .
Օմար-աղան էլ մեզ հետ կը լինի . . .

Բայց ոչ ոք չէր ուզում լսել նրան:

— “Անկարելի բան է, գոռում էր ամբոխը — եթէ
դու ուզում ես մեզ փրկել, վեր առ քեզ հետ տէր-
տէլներին եւ տանուտէլներին, գնա՛ շէյխի մօտ, նրա
ոտները համբուրիր, աղաջիր, պաղատիր, ասա՛, ինչ որ
ուզում է, կը տանք, միայն թէ մեզ կենդանի թողնէ . . .”

Քաջասիրտ վարդապետը շատ խօսեց, երկար յոր-
դորում էր եւ խրախուսում էր, բայց թուլասիրտ եւ
ստրկացած ամբոխը ընդունեց նրա խորհուրդը: Վերջը
նա ստիպուած եղաւ առնել իր հետ մի քանի ծերու-
նիներ եւ քահանաներ ու դիմել շէյխի սօտ:

Այն ժամանակ Օմար-աղան մօսեցաւ նրան, եւ
ասաց այս խօսքերը.

— Ես գիտէի, որ այսպէս կը լինէր . . . բայց դու
զուր ես գնում. քեզ կը բռնեն, կը պահեն, եւ զուցէ
կը սպանեն . . .

— Պիտի գնամ, ճար չունեմ, թող սպանեն . . .
ասաց վշտացած վարդապետը: — Ժողովուրդը ինձ հան-
դիստ չէ թողնում. . .

— Ինձ այսուհետեւ աւելորդ է այստեղ մնալ . . .
ասաց քուրդ ազնուականը:

— Ես էլ խորհուրդ չեմ տայ մնալու համար, պա-
տասխանեց վանահայրը. — գնացէք, թէր ընդ ձեզ.
միայն ընդունեցէք կատարել իմ վերջին ինդիրքը. առէք
այդ բանալին, նոյն պահպանի մէջ, ուր թաքցրել եմ
ձեր կայքը, այնտեղ երկու արկղներում պահուած են

վանքի սրբութիւնները. տարեք ձեզ հետ, թող աւա-
ղակների ձեռքը ընկնեն: — Դուք միշտ այնքան հաւատ
էք ունեցել դէպի մեր վանքը, որ ոչ մի քրիստոնեայ
չէ ունեցել:

— Կը աանեմ, միամիտ կացէք, պատասխանեց
քուրդը: — Բայց դուք վեր առէք ձեզ հետ իմ մար-
դերից մէկը. նա հեռուից կը հետեւի ձեզ. եւ եթէ
ձեզ բռնելու կամ պահելու լինեն, նա ինձ իմացում
կը տայ:

Վանահայրը համբուրուեցաւ իր բարեկամի հետ եւ
սկսեց դիմել շէյխի բանակը: Նա ամենեւին յօյս չունէր,
թէ կը վերադառնայ այնտեղից եւ միւս անգամ կը
տեսնի իր բարեկամին:

Նոյն միջոցում հասան Օմարի մարդիկը, բերելով
իրանց հետ երեսունի չափ աւելորդ ձիաներ, եւ նա
բարձել տուաւ. իրան պատկանող իրեղնները, որ քանի
օր առաջ ապահովութեան համար բերել էր այնտեղ.
նա չը մնուացաւ իր հետ վեր առնել եւ այլ երկու
արկղներ, որոնց մասին խնդրել էր, դռնապանը բացեց
պարսպի գաղտնի դռները, եւ ազնիւ քուրդը խիստ
տխուր սրտով համբուրեց տաճարի սուրբ սեղանը, եւ
հեռացաւ վանքից:

Վանահայր Եղիազար վարդապետը գնաց շէյխի բա-
նակը, եւ այլ եւս չը վերադարձաւ այնտեղից . . .

Մի քանի ժամից յետոյ քրդերը խումբ-խումբ
մտան նախ Վանքի գիւղը, առաջ սկսեցին անասուն-
ները դուրս քշել, յետոյ տները գատարկեցին, եւ նրանց
մէջ գտնուած իրեղնները բառնալով գրաստների վրայ,
Ճանապարհ գրեցին: Երբ գիւղի հետ իրանց հաշեւը վեր-
ջացրել էին, մտան վանքը. այնտեղ էր ամբարուած

շքակայքի բոլոր հարստութիւնը. — սկսեցին դուրս կրել: Ողորմելի ժողովրդի լացն ու կոծը, նրանց դառն աղջակերը ամենեւին չէին ազդում յափշտակիչների անգութ սրտերին . . . ամենափոքր ընդդիմադրութիւնը պատասխանվում էր սրով եւ ատրճանակով:

Ահա այս սարսափելի անցքը անցել էր, որ Սարհատի խումբը, Սախկալ-Շութանի քաջագործութիւնից յետոյ, մի գիշեր դիմեց դէպի Բարդուղիմէոս առաքեալի վանքը:

Ի՞նչ էր որոնում թշուառ երիտասարդը այն կիսով չափ կործանուած եւ դատարկացած վանքի մէջ . . .

Թ.

Մութը գիշեր էր: Ամպամած երկնքի վրայ ոչ մի աստղ էր երեւում. երկինքը ու գետինը, կարծես, միացած էին թանձր-սեւաթօյը զանգուածով: Ամեն ինչ լուռ էր. միայն գիշերային սառն քամին գուշակում էր մրրիկ եւ անձեւ: Հեռաւոր լեռների վրայ կայծակը երբեմն փայլատակում էր, եւ որոտման խուլ ձայնը մանր դղղիւններով տարածվում էր խաւարի մէջ թաքնուած սարերում:

Գիշերային այս սոսկալի պահուն մի քանի ստուերներ, թափառաշրջկ ուրուականների նման, խաւարի մէջ շարժվում էին. նրանք միացան, մի փոքրիկ խումբ կազմեցին, կարծես, մի բանի վրայ խորհելու համար. յետոյ կրկին բաժանուեցան եւ առանձին-առանձին սկսեցին դիմել դէպի Բարդուղիմէոս առաքեալի վանքի գիւղը, որ համարեա թէ վանքի մօտումն էր:

Դիւղը նոյն ժամուն խաւար եւ լուռ էր, եւ մի ընդարձակ գերեզմանատան նման, ամեն շարժում, ամեն

կենդանութիւն հանգչել էր այնտեղ: Բայց մի տեղեց միայն երեւում էին լցոսի նշոյներ. դա վանքի հսկայական շինուածքն էր, որ կանգնած էր բարձր բռւրի գլխին, որի շուրջը բացվում էր մի խորին անդունդ, որ կորած էր մթութեան մէջ. միայն այնտեղից հոսող գետը իր զայրացած գոռում-գոչումներով վրդովում էր տիրող լուութիւնը:

Եթէ մի մարդ նոյն ժամուն մտնելու լինէր յիշեալ շինութեան մէջ, որտեղից լցոս էր նշմարվում, նրա աչքերի առջեւ ներկայանալու էր մի այսպիսի տիսուր տեսարան. — գեղեցիկ տաճարը բոլորովին մերկացել էր իր փառահեղ գարդարանքից, նրա հցակապ կամարների ներքոյ տիրում էր դատարկութիւն միայն. ոչ խաչեր, ոչ գրքեր, ոչ պատկերներ, ոչ ջահեր, ոչինչ չէր երեւում. սուրբ սեղանը ներկայացնում էր սպանդանոցի նման մի բան, որ շաղախուած էր արիւնով . . .

Տաճարի մի կողմում կապած էին ձիաներ, որ խոտ էին ուտում. իսկ միւս կողմում նստած էին մի խումբ քրդեր: Մէջտեղում վառվում էր մի ահագին խարոյի: Տաճարի մէջ գտնուած փայտեղէնները — աթոռները, գրակալները, գուները — հետզհետէ ջարդում էին եւ ձգում խարոյի վրայ, բոցերը սաստկացնելու համար: Կրակի մէջ դրած էին մի քանի շամփուրներ եւ պղնձէ թասեր, որոնք այն սատիճան չէկացել էին, որ հաղիւ որոշվում էին կտրմած ածուխներից:

Կրակից ոչ այնքան հեռու, թեւքերը եւ ոտները չուաններով կապկապած մերկ սալայատակի վրայ, ընկած էին մի քանի մարդիկ, եւ սարսափելի խոռվութեան մէջ սպասում էին մի դառն ճգնաժամի: Եթէ մի մարդ կը ցանկանար տեսնել գեհենի դատապարտեալների յուսա-

հատական երեսները, — այդ թշուառների դէմքը նյոն օրինակն էր կրում:

Նրանցից փոքր ինչ հեռու, խառնիխուռն կերպով, դիղուած էին զանազան իրեղններ, որ կացուցանում էին վանքի անօթեղէնները. եւ նրա նուիրական կարասիքը:

Քրդերից մէկը վերկացաւ եւ մօտեցաւ կապուածներին այս խօսքերով.

— Ասացէք, անհաւատներ, էլ ինչ ունէք թագրած. ասացէք, մի պահէք, թէ չէք ուզում շան նման սատկել: Ծեսնում էք այն կարմրած շամփուրները. — ձեզ համար են պատրաստուած:

— Աղայ, քո ոտներին մատաղ լինենք, պատասխանեցին կապուածները ողորմելի ձայնով. — Հէնց էն էր, ինչ որ կար. էլ ուրիշ ոչինչ չէ մնացել, եթէ մի բան պահած լինենք. թող Աստուած մեր աչքերը քոռացնէ, թող մեր հոգին դժոխքի բաժին լինի:

— Սիւտ էք ասում, անիծուած չներ, գոռաց քուրդը. — այդ վանքում մի թագաւորի հարստութիւն կար, ինչ եղաւ:

— Աղայ, քո ոտնելի հեղու դառնանք, խղճան մեզ, մի սպանիր... թող Աստուած անզ փշացնէ, եթէ մեր լիցուից սուտ խօսք դուրս գայ: — Այս էր, ինչ որ մնացել էր. բոլորը տարան, ոչինչ չը թողեցին... Դուք ըստ գիտէք, այս մի քանի օրում այս վանքը քանի քանի անգամ կողոպտուեցաւ... ծով լինէր, կը ցամաքէր. սար լինէր, կը հալուէր...

Խօսող քուրդը, որ իր խմբի գլխաւորն էր երեւում, դարձաւ դէպի ընկերներից մէկը.

— Այս գաւուրները մինչեւ շամփուրների համը ըստեսնեն, ուղեղը չին ասելու: Բերեցէք:

Քրդերից մի քանիսը մօտեցան կապուածներին եւ սկսեցին մերկացնել նրանց, իսկ մի քանիսն էլ կրակից դուրս բերեցին կարմրած շամփուրները:

— Սկսեցէք, հրամայեց առաջին խօսողը. — միայն խաչի ձեւով, դրանք շատ են սիրում խաչը:

Դահիճները սկսեցին կարմրած շամփուրներով խաչաձեւ դաղել կապուածների մերկ կուրծքը եւ նրանց մարմնի ուրիշ մասները: Կրակի նման շիկացած երկաթը այրում էր եւ ջրդ-ջրդալով խրվում էր կենդանի մսի մէջ... եւ մուխը ճենճային խանձահոտութեամբ վեր էր բարձրանում: Մի փոքր սառած երկաթները կրկին կրակի մէջն էին՝ դնում եւ վեր էին առնում նորելը: Դժուխային գործողութիւնը շարունակվում էր: Թշուառները հառաջում էին, մրմնջում էին, եւ ցաւալի ձայներ էին հանում...

— Մի անգամնով մարթեցէք ի սէր Աստուծոյ, թող շուտ մեռնենք, գոռում էին նրանք:

Այսպէս անդագար մրմնջում էին ողորմելիները, բայց գործողութիւնը դեռ շարունակվում էր. մինչեւ այլ եւս հասկանալի չէին լինում նրանց խօսքերը, միայն լսելի էին լինում խուլ հառաջանքներ...

Բաւական է, հրամայեց խմբի գլխաւորը եւ դարձաւ դէպի կապուածներից մէկը, որին զեռ ձեռք չէին տուել:

Այս թշուառականը քահանայ էր:

— Քեզ պահեցինք վերջումը, որ քո տանջանքը աւելի փառաւոր լինի, ասաց քուրդը հեգնական եղանակով:

Տեսնում ես կրակի մէջ այն կարմրած պղնձէ թասը. նա թագի շատ նմանութիւն ունի. նրանով պիտի պսակիմ քո գլուխը, որովհետեւ քահանայ ես:

Քահանան, շարժուած կրօնական գգացմունքով, պատասխանեց.

— Իմ Տէրը փշեայ պասկ կրկ, իսկ նրա ծառան սիրով կ'լնքունէ պղնձէ թասը... Բայց միտքդ բեր, աղայ, որ վերեւումը Աստուած կայ, որն այս բոլորը տեսնում է, որ մեր ամենիս տէրն է. Նա անպատիժ չի թողնի այն մարդուն, որը թափում է անմեղ արիւն։ Ինչո՞ւ ես ի զուր տանջել տալիս մեզ։ Իմ ընկերները սուտ չասացին, վանքումը ուրիշ ոչինչ չէ մնացել. ինչ որ կար, բոլոր տուեցինք ձեզ։ Բոլոր գաղտնի պահարանները բաց արեցինք ձեր առջեւ։ Եւ դուք այնքան անգութ եղաք, որ հարդուղիմոս առաքեալի սուրբ գերեզմանն էլ քանդեցիք, կարծելով թէ այնտեղ գանձ կայ թաղցրած։ — Ինչ որ կար, տարաւ ճալալդոցինը, նրանից յետոյ տամն անգամից առելի քրդերը մտել են այս վանքը... դուք վերջինն էք...

— Սուտ ես խոռում, կեղծաւոր շուն, գոռաց գաղնը. — Բերէք թասը։

Քրդերից մէկը ունելքով դուրս հանեց կրակի միջեց կարմիած թասը. քահանայի ալեզարդ գլուխը բաց արին, եւ պատրաստվում էին հրաշեկ արախւչնը նրա գլխին դնել։ Աստուծոյ սեղանի սպասաւորը նահատակի համբերութեամբ սպասում էր բարբարոսական գործողութեանը։ Նա անմոռնչ էր եւ լուռ. միայն նրա շրթունքները շարժվում էին, եւ օրհասական տագնապի մէջ խուլ կերպով աղօթում էր...

Յանկարծ որոտացին ատրճանակներ, եւ սուրբ տաճարը վառօդի ծխով լցուեցաւ։ Սարսափը տիրեց բոլորի վրայ։ Քրդերից մի քանիսը զլորուեցան, ընկան, իսկ միւսներին բոնեցին զօրեղ բազուկներով եւ սկսեցին կապիւմ.

պել։ Այս բոլորը կատարուեցան մի քանի րոպէում եւ խորին լուութեան մէջ։ Միայն քահանայի ձայնն էր լսելի լինում, որ ասում էր.

— Ի սէր Աստուծոյ, մի սպանէք, թողէք, ինչ որ կամենում են, թող անեն մեզ հետ. դրանց ձեռք մի դիպցնէք. կը կոտրեն հայերին...

Ողորմելի քահանան, թէեւ չը գիտէր, թէ ովքեր էին այն յանկարծահաս փրկիչները, բայց վախենում էր, որ հայոց վանքի տաճարում կատարուելով սյապիսի սպանութիւններ, աեղային քուրդերի վրէժինդրութիւնը կը հրաւիրէին ամբողջ հայերի վրայ, — թէեւ քրդի սրտում մի այսպիսի կասկած երբէք ծնուել չէր կարող, թէ երկշուահան կարող է մարդ սպանել...

Նոր եկաւորների երեմները բոլորովին կապած էին, միայն աչքերն էին երեւում։ Նրանք հագնուած էին քրդի հագուստով եւ խօսում էին քրդի լեզուով։ Թուով շատ չէին նրանք, բայց այնպէս անակնկալ վրայ տալով, կարողացան առաջիններից մի քանիսին սպանել եւ մնացածներին կապելով դուրս տանել։ Ուր տարան յայտնի չէր։ Միայն քառորդ ժամից յետոյ երկուսը կրկին վերադարձան, եւ արձակելով քահանայի ու նրա կիսակենդան ընկերների կապանքները, ասացին նրանց.

— Դեռ բաւական գիշեր կայ. մինչեւ արեւի ծագելը գուշ կարող էք մօտենալ Պարսկաստանի սահմանին. այնտեղ ապահով կը լինէք։ Այսեղ կան պատրաստի ձիեր. բարձեցիք, ինչ որ հաւաքուած է այստեղ, որ պէտք է քրդերը տանէին. եւ դուք նատեցէք նրանց ձիաները, շուտով ճանապարհ ընկերք։

— Իմ ընկերների մէջ կեանք չէ մնացել, ասաց քահանան։

— Մեղանից երկուսը ձեզ հետ կը գան, պատաս-
խանեցին անծանօթները:

Քահանան խոնարհուեցաւ եւ կամենում էր զրկել
նրանց ոտքերը:

— Այդ հարկաւոր չէ, ասաց նրանցից մէկը. —
պատրաստուեցէք շուտ հեռանալու այստեղեց:

— Ես չը պէտք է գիտենամ, ով է աղատում մեզ,
հարցրեց քահանան:

— Ո՛չ, դու չը պէտք է գիտենաս, ասեցին նրան:
— Եւ ձեր ինչ ազգից լինե՞լը:

— Այս էլ պէտք չէ գիտենալ:

Մի քանի րոպէի մէջ անծանօթները պատրաստե-
ցին քրդերի ձիաները, որ կապած էին տաճարի մէջ եւ
այնտեղ զիզուած իրեղէնները լցնելով խուրջնների մէջ,
կապեցին նրանց վրայ: Յետոյ կարմրած շամփուրներից
վերաւորուած թշուառներին նստացրին բեռների վրայ եւ
ձանապարհ դրին:

Քահանան դեռ իր ձին չը հեծած, կրկին անգամ
մօտեցաւ անծանօթներին եւ ասաց.

— Դոնէ թոյլ տուեք, օրհնեմ ձեզ:

— Այդ եւս հարկաւոր չէ, ասաց նրանցից մէկը,
միայն դու պատասխանիր, ինչ որ կը հարցնեմ քեզ:

— Հարցրեք:

— Այս վանքի գիւղումը ոչ ոք չէ մնացել:

— Մի հոգի էլ չը կայ:

Ի՞նչ եղան:

— Մի մասը գաղթեց դէպի Պարսկաստան, մի
մասը կոտորեցին, մի մասն էլ գերի տարան:

— Դու ձանաշում էիր այս գիւղում ուս Յ...
անունով մէկին, որ տանուտէր էր:

— Ճանաչում եմ. ես ինքս վանքի գիւղի քահա-
նան եմ:

— Գիտե՞ս, ինչ եղաւ նրա ընտանիքը:

— Տանուտէրին սպանեցին. որդիքը տանը չէին,
ազատուեցան, բայց աղջկան տարան քրդերը:

Վերջին խօսքը կայծակի նման դիպաւ անծանօթի
սրտին. նա մի քանի րոպէ շփոթութեան մէջ մնաց,
յետոյ հարցրեց.

— Եթէ ասէիր ինձ ուր տարան, կամ ինչ ցե-
ղից էին քրդերը, քեզանից չնորհակալ կը լինէի:

— Թէ ուր տարան, այս ես ասել չեմ կարող. բայց
տանողները շիշակների ցեղեցն էին. Զօլախ-Ահմէի մար-
դիկը:

— Բաւական է, վերջացրեց անծանօթը: — Հիմայ
կարող էք գնալ:

Քահանան իր ընկերների հետ հեռացան: Երկու
հոգի անծանօթներից տարան նրանց ձանապարհ դնելու
մինչեւ պարսից ասհմանը: Վանքի տաճարի մէջ մնացին
տասներկու հոգի անծանօթներից: Այն ժամանակ նրան-
ցից մէկը բաց արեց իր կապած դէմքը, երեւի, փոքր
ինչ ազատ շունչ առնելու համար: Եւ դեռ վառվող
խարցիկ լուսով կարելի էր տեսնել Սարհատի մեռելի
նման գունաթափուած երեսը...

Նա նստեց կրակի մօտ մի փոքր հանդստանալու
համար իր հոգեկան խոռվութիւններից: Նրա միւս ըն-
կերները կարասում էին ահազին վայրենի խոզի մար-
մինը, անց էին կացնում իրանց հրացանների սումբաների
վրայ, եւ խորովում էին. միայն Մըստօն իր կարեկցա-
կան աչքը չէր հեռացնում իր տիրոջ երեսից, եւ կար-
ծես, աշխատում էր կարդալ այն սպանուած դէմքի

վըայ ինչ որ ալեկոծում էր նոյն ժամին նրա վշտահար սիրալ:

Անբախա երիտասարդ, նա ունէր մի միսիթարութիւն միայն, նրանից եւս զրկուեցաւ: Նա յյս ունէր այստեղ, այս վանքի մօտակայքում գտնել այն նազելի արարածին, որին պատկանում էր իր սիրար, որին միայն սիրում էր իր համար ատելի աշխարհի մէջ: Բայց նա չը կար, մի դառն վիճակով անհետացել էր նա . . .

Քաջերի սրտում, կանանց վերաբերեալ, բայց ի սերից, կայ եւ մի ուրիշ զգացմունք, որին բաւական անհամապատասխան բառերով կոչում ենք նախանձ, խանդ, զէյրաթ. — դա այն զգացմունքն է, որ ցամաք խօսքերով բացատրել անկարելի է: — Դա կնոջ նուիրագործութիւնը յարդելու մի կիրք է, որի համար չելենները ամբողջ տասը տարի կուռեցան Տրօյիայի պարիսպների տակ:

Սարհաը չէր վշտանում այն պատճառով միայն, որ կորցրել էր իր սիրելի էակը, այլ առաւել նրա համար, որ նա այժմ գտանվում էր անհարազատ եւ անմաքուր ձեռքերում . . . Բայց ո՞րքան այնպիսի անմեղ արարածներ նոյն վիճակին էին ենթարկուել. նրանց համար ո՞վ էր հոգացողը: — Դուցէ ծնողքը, անբախա հայրն ու մայրը, եթէ կենդանի էին թողել նրանց: Բայց հոգում էր ազգը, հայ ժողովուրդը: Ու դրա համար պէտք է չելենական նախանձախնդրութիւն ունենալ . . .

Մանելով վանքի տխուր կամարների ներքոյ, Սարհասի սրտում կրկնի բաց եղան հին-հին վերքերը: Այս սրբարանը խիստ խորին յիշատակներով կապուած էր նրա հոգու հետ: Այստեղ անցուցել էր նա իր մանկութեան

ամենաթամնգագին տարիները. այստեղ յանձնել էին նրան աղօթող աբեղաների հսկողութեան ներքոյ ուսանել՝ ինչ որ կրօնը եւ սուրբ գիրքը ներշնչում է մարդու մէջ, ինչ որ հանգյնում է վառ զգացմունքը, մեռցնում է հոգին, բթացնում է միտքը . . . Եւ մի եւ նոյն վանքի պարիսպների, մօտ մի գեղեցիկ հրեշտակ ոգեւորեց նրան սրբազն յափշտակութեամբ. նա կրկին կենդանացրեց վանական ժամանակակից մեռած սիրալ, եւ վրկարար ձեռքով խաւալից գուրա քաշեց նրան եւ ձգեց լոյս աշխարհ . . . Իսկ այժմ չը կար այն հրեշտակը . . .

Մինչ թշուառ երիտասարդը ընկղմուած էր իր ախուր մտախոհութիւնների մէջ, նրա ընկերները կազմել էին մի Ճոխ սեղան, որ յիշեցնում էր Հոմերոսի հերոսներին: Գինին ահագին գաւաթներով պտըսավում էր ձեռքից ձեռք. եւ խորովածը արիւնաթաթախ գուրս էին քաշում շամփուրներից: Նրանցից ոչ ոք չէր ուզում վորովել Սարհատի ողբալի մասյուգութիւնը, եւ այս պատճառով չէին հրաւիրում իրանց հետ սեղանակից լինելու: Բայց նա արթնացաւ, երբ Դալբ-Բաբան, բաժակը ձեռին կանգնած եւ, երեսը գէսի տաճարի բեմը դարձրած, ձառում էր այս խորհրդաւոր խօսքերը.

“Ով հայրեր, ով պապեր, այս գաւաթը խմում եմ, բայց առանց նուիրելու ձեր ոսկորներին: Եթէ դուք այս վանքերի տեղ, որոնցմով լիքն է մեր երկիրը, բերդեր շնչեիք. — Եթէ դուք սուրբ խաչերի եւ անօթների փոխարէն, որ սպառեցրին ձեր հարստութիւնը, զէնքեր զնէիք. — Եթէ դուք այն անուշհոտութեանց տեղ, որ ինկվում են մեր տաճարներում, վառօդ ծխէիք, — այժմ մեր երկիրը բախտաւոր կը լինէր: Այլ եւս քուրդերը մեր երկիրը չէին քանդի, մեր որդիքը չէին կոտորի

եւ մեր կանայքը չէին յափշտակի . . . Այս վանքերից ծագեց մեր երկրի կործանումը, նրանք խլեցին մեր սիրառու քաջութիւնը. նրանք ձգեցին մեզ ստրկութեան մէջ, սկսած այն օրից, երբ Տրդատը թողեց իր սուրբ եւ թագը, առաւ խաչը եւ մտաւ Մանիայ այրը ճգնելու համար . . . — Ով հայոց հին աստուածներ, ով Անահիտ, ով Վահագն, ով Հայկ, նուրիում եմ այս բաժակը ձեր սուրբ յիշատակին, դուք փրկեցէք մեզ . . .

Այսպէս այս սարսափելի մարդը, որ մի ժամանակ քահանայ էր, իսկ այժմ աւազակ, դուրս էր թափում իր սրտի դառնութիւնները զինու բաժակի վրայ, որով ամեն մարդ ուրախ է լինում:

Երբ նա վերջացրեց, վեր կացաւ մի ուրիշ աւազակ, որին կոչում էին Քիթար-Դալսոր (գրքից խելագարուած), որ մի ժամանակ մանկավարժ էր, իսկ այժմ մոել էր Սարհատի արիւնախում խումբի մէջ: Նա հետեւելով Դալի - Բաբայի ոճին, այսպէս սկսեց իր տօսատը.

“Խմում եմ այս բաժակը առանց նուրիելու ձեղ, ով գիր եւ գպրութիւն, որովհետեւ դուք չը տուիք մեզ այն, ինչ որ պահանջում է կեանքը եւ իրական աշխարհը: Դուք լըրիք մեր գլուխը ունայն, վերացական ցնորքներով: Դուք չը ծանօթ ացրիք մեզ մարդկային պահանջների հետ եւ չը տուիք այն, որ պէտք էր ապրելու եւ հանգիստ ու բախտաւոր ապրելու համար: Դուք աւելի զարգացրիք մեր մէջ սեւ նախապաշտմունքը եւ փակեցիք մեր աչքերը լոյսը եւ ճշմարտութիւնը տեսնելու համար: Դուք մեղանից դիակներ պատրաստեցիք, որոնց մէջ մեռած է ամեն մարդկային բարձր եւ վսեմ զդացմունք: Դուք աւելի պնդացրիք մեր ստրկութեան

շղթաները եւ վարժեցրիք տանել բռնութեան ծանր եւ անպատիւ լուծը: Ձեզ ենք պարտական, ով գիր եւ գպրութիւն, մեր այժմեան դժբախտութիւններով. — դուք չը տուիք մեզ առողջ միտք եւ առողջ գաղափար, եւ զրկելով մեզ ճիշդ եւ իրական գիտութիւնից, զրկեցիք եւ կեանքից . . . Ուրեմն, թող անիծուի մեր մամուլը, որ իր մրով աւելի մրուեց մեր սիրտը, միտքը ու հոգին . . . Եւ թող կեցցեն այն զրիները, որ նոր հոգի կը ներշնչեն մեզ, որ կը նորոգեն մեր սպառուածութերը եւ կը ծանօթացնեն կեանքի իրական պէտքերի հետ եւ կը պատրաստեն մեզ մարդ շնել, մարդկային բոլոր կատարելութիւններով”:

Այսպէս էր խօսում այն մարդը, որին կոչում էին “գրքից խելագարուած”, որին գրքերը յիմարութեան մէջ էին ձգել, — իսկ այժմ զգաստացել էր:

Այս բոլորը լսում էր Սարհատը, տխոնկ համակրութեամբ էր լսում նա, եւ այս խօսքերը, կարծես, առժամանակ մի նրան մոռանալ տուին իր ցաւը, որ այնպէս սաստիկ տանջում էր նրան: Եւ նա թողեց այն նազելի անհատը, որի համար միայն մտածում էր, եւ սկսեց ընդհանուրի վրայ խորհել: Սիրուհու մասնաւոր սէրը կորաւ անբախտ եւ օգնութեան կալու ժողովրդի սիրոյ մէջ, որի դստերքը ու կանայքը նոյնպէս գերութեան մէջ էին գտանվում: Եւ այս պատճառով նա խիստ սառնութեամբ ընդունեց Մըստօի խօսքերը, որ նա մօտենալով նրան, լուսթեամբ ասաց.

— Թող իմ տէրը չը տանջէ իր սիրտը. Մըստօն շատ հոտառութիւն ունի. եթէ ծովի խորքումն լինի անա, կը գտնէ նրան, եւ եթէ երկինքը բարձրացած լինի, ցած կը բերէ:

Սարհատը ոչինչ չը պատասխանեց եւ տեսնել ան-
դամ չը կարողացաւ, որ իր հաւատարիմ ծառան ան-
նկատելի կերպով անհետացաւ վանքից . . .

Ժ.

Յուլիս ամիսը վերջանալու մօտ էր: Դժբախտ թա-
յազեղը քրդերից, բաշերօղուկներից պաշարուելով, քան-
դուելով, կողոպտուելով, եւ իր թշուառ բնակիչները
որի բերանում ու գերութեան մէջ կորցնելուց յետոյ,
— կրկին ռուսաց ձեռքն էր անցել: Սուլէյման փաշան
յետ էր մղուել: Քալակէդղինի հրոսակը ցրուած էր, եւ
հարուստ աւարով ամեն մարդ իր տեղը դառնալու վրայ
էր: Հին թագիեւանդի ամբողջ գաւառը եւ պատմական
Վաղարշակերար բոլորովին դատարկացել էին իրանց հայ
բնակիչներից: Ալաշկերացի գաղթականները նրեւանի նաւ-
հանգում մուրացկանութիւն էին անում եւ նրանց
թողած աւելրակները դեռ ծխում էին մոխրի մի-
ջից . . .

Երեկոյեան վերջալոյսը դեռ ճառագյուղում էր սա-
րերի գագաթների վրայ:

Մի տղամարդ միայնակ եւ դանդաղ քայլերով
գնում էր լեռնային անձուկ ճանապարհով եւ խուլմելա-
մաղձական ձայնով երգում էր մի տխուր մեղեղի: Նա
գնում էր անվճռական ընթացքով, կարծես, ակամայ
ընտրել էր այն ռողին եւ բոլորովին վստահ չէր, թէ նա
կը համեր այն նպատակին, որին դիմում էր ամենայն
անձնուիրութեամբ: Յանկարծ նրա ետեւից լսելի եղաւ
մի ձայն.

— Ով ես. յետ քաշուիր:

Ճանապարհորդը դադարեց երգելուց, հրացանը ուսից
վեր բերեց, եւ յետ նայելով, տեսաւ, որ գալիս էր մի
ձիաւոր: Նա պատասխանեց.

— Անցիր:

Զիաւորը մօտեցաւ, ողջունեց եւ ապա հարցրեց.

— Բարի լինի. ուր այդպէս:

— Բարի է, փառք Աստուծոյ, պատասխանեց Ճա-
նապարհորդը: — Ես Զաֆար-բէկի հովիւն եմ, մեր
չաղըները շատ հեռու չեն այստեղից. մեր մատակներից
մէկը այս երեկոյ կորաւ. պտռում եմ:

Յետոյ նա հարցրեց ձիաւորին.

— Դու ուր այդպէս, Աստուած յաջողի, գնում ես:

— Շէյխի բանակը, նամակ եմ տանում:

— Ումից:

— Սուլէյման-փաշայից: Բաները վատ են գնում
Ղարսի մօտ: Փաշան կանչեց ու ասաց. — ով կը լինի,
որ այս նամակը երկու օրում հասցնի շէյխին, կը ստանայ
մի լաւ փէշքաշ ու խալաթ: Ես մօտեցայ, զլուխ
տուեցի ու ասացի. ձեր ոտքի հողը լինեմ. ես կը հասցնեմ,
իմ արաբացի նժոյզը ծտի նման է թռչում: Նա
ձեռքը քսեց մէջքիս, էֆէրիմ, ասաց եւ տուեց
նամակը:

— Հիմայ որտեղ է շէյխը:

— Ես հարցրի, ինձ ասացին, այստեղ մօտիկ
Ղանիշ-Դարայում (արինուու ձոր) է իջեւանել, պա-
տասխանեց ձիաւորը: — Ի՞նչպէս է, որ դու չես իմա-
նում:

— Սարի հովիւը որտեղից կարայ իմանալ այս բա-
ները. տեսնում ես, ամեն օր գալիս են, գնում են, մարդ
չե իմանում, ի՞նչ խարար է:

— Կրակ ունեմ, հարցրեց ձիաւորը, — չախմախիս
քարը կորել է, ամբողջ օր չեմ ծիւել, դլուխս դդում
է դարձել:

— Կը գտնուի, պատասխանեց առաջինը, եւ ծոցից
դուրս բերելով հրահան ու արէթ, ակաւ զարկել
կայծքարին:

Չիաւորը կռացաւ, մօտեցրեց չերուխը եւ նա վառած
արէթը դրեց ծխախոտի վրայ: Նոյն միջոյին նա առիթ
ունեցաւ լաւ գննել ձիաւորի գէմքը: Նա շնորհակալութիւն
յայտնեց, եւ ծխելով, քշեց իր ձին:

Տասը քայլ հազիւ հեռացել էր ձիաւորը, նրա
ետեւից գոռաց հրացանը եւ ողորմելին զլորուեցաւ ձիուց
ցած: Զին խրտնեցաւ եւ ճանապարհից դուրս եկաւ, իր
հետ քարշ տալով դիակը, որի մի ոտը մնացել էր
ասպանդակի մէջ: Զին երկար վաղվզում էր աւելի եւ
աւելի կատաղելով, մինչեւ թամքը շուռ եկաւ փորի
տակը, եւ նա կանգնեց: Այն ժամանակ եղեռնագործը
մօտեցաւ, բռնեց ձիուն եւ սկսեց որոնել սպանուածի
ծոցերը, զրպանները, որի մարմինը սասախ զարկուելով
քարելին, բոլորովին ջարդուփշուր էր եղել: Նա գտաւ
նամակը, որի հասցեն գրած էր շէյխի անունով,
թաքցրեց իր ծոցի զրպանում, զիակը ձգեց մի փոսի մէջ,
յետոյ ուղելով սպանուածի ձիու թամքը, նստեց վրան,
եւ սկսեց վազեցնել գէպի Ղանլի-Դարայ, ուր գտանվում
էր Զալալէդինի բանակը:

Նա հասաւ շէյխի բանակը, երբ արեւը մաել էր.
բայց մութը գեռ բոլորովին չէր պատել աշխարհը: Նա-
մակը նա հանեց իր ծոցից եւ խրեց գլխի չալմայի փաթաթի
մէջ, այնակս որ, նամակը կիսով չափ երեւում էր: Նա,
որպէս սովորաբար ծրաբում են նամակները արեւելքում,

մի երկայն խողովակաձեւ գալարուած թուղթ էր, որի
մէջտեղից գօտիի նման փաթաթել էին մի ուրիշ թղթի
կտոր եւ կնքել էին:

— Ի՞նչ մարդ ես, հարցրեց նրանից բանակի պահ-
նորդներից մէկը:

— Սուրհանդակ, պատասխանեց նամակաբերը եւ
համարձակ քշեց իր ձին գէպի շէյխի վրանը:

Այդ մարդը Մըստօն էր:

ԺԱ.

Բարգուղիմէսս առաքեալի վանքի սարսափելի անցքից
յետոյ, գիշերը վանքում մնալով, իսկ առաւօտեան դեռ-
արեւը չը ծագած այնտեղից հեռանալու ժամանակ, Սար-
հատը նոր նկատեց, որ Մըստօն չը կար: Նրա ընկերները
կասկածանքի մէջ ընկան, մի գուցէ պատանի քուրդը
մատնէր նրանց: Նա այնքան խորամանկ էր եւ յանդուգն,
որ ամէն բան սպասելի էր նրանից:

— Ես Մըստօնի աղնւութեան վրայ կասկածել չեմ
կարող, ասաց Սարհատը. — Եւ աւելի այն պատճառով,
որ նա քուրդ է: Քուրդը կեղծ մարդ չէ. թէ թըշ-
նամութեան մէջ, թէ բարեկամութեան մէջ նա իր գոյնը
չ փոխում:

Բայց Մըստօն ամբողջ երեք օր չերեւաց: Յետոյ
յայտնուեցաւ նա:

— Դտայ, եղաւ նրա առաջին խօսքը, փաթաթուե-
լով Սարհատի վկին:

— Ում գտար, հարցրեց Սարհատը շփոթուելով:

— Ասլին. Նրան, որին դու միրում ես:

Սարհատը ուրախութիւնից մի տեսակ արբեցութեան
մէջ ընկաւ:

ՀԱՅԱՍՏԱՆԻ

Մըստօն մի ըստ միոջէ սկսեց պատմել իր հանդիպելը փաշայի սուրհանդակի հետ, նրան սպանելը, յետոյ նամակն առնելով, եւ ինքն սուրհանդակ ձեւանալով, շէյխի բանակը գնալը եւ այնտեղ գերի աղջկանց թուում Ասլին գտնելը:

— Դու հաստատ գիտեմ, որ նա շէյխի բանակումն է, հարցրեց Սարհատը վրդովուած ձայնով:

— Ինչպէս չը գիտեմ, աչքովս տեսայ, հետը խօսեցի, պատասխանեց Մըստօն ուրախ կերպով:

— Նա ճանաչեց քեզ:

— Հէնց որ տեսաւ, իսկոյն ուզում էր վազել ինձ մօտ. ես նշան արեցի, նա զգուշացաւ:

— Ի՞նչպէս կարողացար տեսնել նրան:

Մըստօն պատմեց, թէ երբ նամակը տուեց շէյխին, նա հրամայեց մի օր սպասել, մինչեւ ինքն իր իշխանների հետ խորհուրդ կ'անի եւ պատասխանը կը դրի: Նրան տեղ տուեցին շէյխի վրանի մօտ եւ հրամայեցին կերակրել: Այն ժամանակ նա գտաւ “իր անցից” մէկին, որը կրօնով եղողի է, որին առաջուց ճանաչում էր: Նա այժմ շէյխի մերձաւոր սպասաւորներից մէկն է, որ նրա համար չիրուխ լընում: Այդ մարդը Մըստօն տարաւ իր մօտ, եւ որպէս իր կրօնակցին ու հայրենակցին, սկսեց հիւրասիրել: Մըստօն կարող էր նրան հաւատալ, որպէս իր վաղեմի բարեկամին, եւ ինզրեց ցոյց տալ իրան գերիները, եւ նրանց մէջ գտաւ Ալիին: Յետոյ նրան յայտնեց իր և որհուրդը, ասելով, թէ եկել է գողանալու այն աղջկան, թէ այն աղջիկը իր տիրոջ նշանաձն է, որին շատ սիրում է: Մըստօնի հայրենակիցը խոստացաւ ինքը ծածուկ գուրս բերել աղջկան բանակից եւ յանձնել ում որ կ'ասի նա:

Սարհատը խորին ապշութեամբ լսում էր այս պատմութիւնը, դժուարութեամբ հաւատալով իր ականջներին: Նա հարցրեց.

— Դու հաւատում ես, որ քո հայրենակիցը կը կատարէ իր խոստմունքը:

— Եզեղին շուտ չէ խոստանում, բայց երբ խօսք տուեց, կատարում է իր խօսքը, պատասխանեց Մըստօն մի առանձին հպարտութեամբ:

Յետոյ նա աւելացրեց, թէ մի գաղտն իք, որ իրան առաջուց յայտնի էր այն մարդու վերաբերութեամբ, աւելի առիթ է տալիս հաւատալ նրա խոստմունքին: Այդ մարդու եղբօրը, ասաց Մըստօն, մի քանի տարի առաջ սպասել տուեց շէյխը. հիմայ նա մտել է շէյխի մօտ որպէս սպասաւոր, որ կարողանայ իր եղբօր վրէժը առնել: Շէյխը չէ ճանաչում, թէ նա սպասաւածի եղբայրն է կամ կրօնով եղեղի է:

— Այսպիսի մարդու հաւատալու է, համարուեցաւ վերջապէս Սարհատը: — Բայց նա ինչպէս կարող է նրան դուրս բերել բանակից:

— Նա կը հազցնի Ալիին տղամարդի շորեր, եւ Ալին ինքը դուրս կը գայ բանակից: — Մըստօն քիչ իսելք չունի, ամեն բան կարգադրել է, ինչ որ պէտք է: Մինք այս գիշեր պէտք է պատրաստ լնենք բանակից փոքր ինչ հեռու մի ձորի մէջ, այնտեղ մի հին տանձենի կայ, նրա մօտ: Ալին կը գայ այնտեղ եւ մեզ կը գտնի:

— Գերիների թիւը շատ է հարցրեց Սարհատը մի փոքր մտածելուց յետոյ:

— Հարիւրի չափ կնիկներ ու աղջիկներ ինքը շէյխը ընտրել է իր համար, մի քանի վրաններ լիքն են, որ կազմուած են իր վրանի մօտ:

— Միւս քրդերը նոյնպէս ունեն:

— Մարդ չը կայ, որ մի քանի հատ բերած չը լինի, շատերին վաճառում են. ուշնեցի հրէաները գնում են, որ տանեն կրկին հայերի վրայ ծախսեն: Շատ էժան է, մի աղջեկը մի արծաթ մէջիդիայով (1 ռուբլի 20 կոպ.) կարելի է առնել:

Սարհատի մի փոքր պայծառացած դէմքը կրկին մթնեց, կրկին տիրեցին նրա սրտին դառն ցաւերը...

Այս խօսակցութիւնները Մըստօի եւ իր տիրոջ մէջ անց էին կենում առանձին, հեռացած մի փոքրիկ աղջիւրի մօտ, որ բղխում էր լեռնային ապառաժի ճեղքից: Նոյն ժամուն նրա ընկերները պառկած էին աւելի հեռու, խոտերի վրայ, գիշերային արշաւանքից հանգստանալու համար: Սարհատը մօտեցաւ նրանց, զարթեցլեց, եւ հաղորդելով Մըստօի բերած լուրերը, յայտնեց, թէ ինքը պէտք է գնայ դէպի հալալէդդինի բանակը:

— Մենք քեզանից չենք բաժանուի, պատասխանեցին ընկերները:

ԺԲ.

Հանլի-Դարան, որ նշանակում է արիւնոտ ձոր, արժանի է իր կոչմանը իր մէջ գործուած բազմաթիւ արիւնչեղութեանց պատճառով: Այդ աւազակաց որջը վկայ է եղել հազարաւոր սարսափելի եղեռնագործութիւնների. այնտեղեց ոչ մի քարաւան եւ ոչ մի ձանապարհորդ չեն վատահանում անցկենալ, այնտեղ միայն աւազակները առանձնանում են իրանց յափշտակութիւններից յետոյ: Այնտեղ էր զբել եւ շէյլը իր բանակը թայապէդի դժբախտ անցքից յետոյ, երբ նա հեռացաւ պատերազմի դաշախից:

Այդ ձորի միջով հոսում էր Տիգրիսի վերին ձիւղերից մէկը, որին տեղացիք կոչում են Նըհէլ. դա բաժանում է Աղբակայ գաւառը Զօլամէրիկից: Գետի ափի մօտ, մի կանաչազարդ տափարակի վրայ, մի գիշեր հարիւրաւոր տեղերում վառվում էին փոքրիկ խարոյկներ, որոնց շուրջը նստուել էին զինուորուած քրդեր, խօսում էին, ծխում էին, ծիծաղում էին, երգում էին, եւ երբեմն նայում էին կերակուրի կաթսաներին, որ դրած էին խարոյկների վրայ, կամ դարձնում էին մսի մեծ-մեծ կտորները, որ ձգել էին կարմրած ածուխների վրայ խորովելու համար: Ամեն տեղ երեւում էր ուրախութիւն, որ արտայայտուում էր կատաղի զուարձութիւններով: Վրանների մէջ ճրագներ չեին երեւում, ամբողջ բանակը լուսաւորուած էր խարոյկների լուսով: Բայց մի վրանում միայն ճրագներ կային. դա Զալալէդդինի փառաւոր վրանն էր:

Բանակից հեռու, մի նեղ ձորի մէջ, որ գոգաւորուելով բաժանվում էր Ղանլի-Դարայից, թմբուկի ձայն էր լսվում, եւ քրդի զուռնան հնչում էր “Ճանիմանի” եղանակով: Նոյն ժամուն մի խումբ ձիաւորներ անցնում էին այն կողմից, որտեղից լսելի էր լինում վայրենի նուազածութիւնը:

— Այստեղ մի բան կայ, ասաց նրանցից մէկը հազիւ լսելի ձայնով:

— Ես էլ այսպէս եմ կարծում, պատասխանեց մի ուրիշը:

— Գնանք, տեսնենք:

— Գնանք:

Ձիաւորները գարձրին իրանց ձիերի գլուխները դէպի այն կողմը: Նեղ շատիզը, որ տանում էր այն կողմը,

տեղաեղ կորչում էր մացառների եւ մինը միւսի հետ
հիւսուած պատատուկ թփերի մէջ։ Զիով անհնար էր
անցնել։ Նրանք յած իջան ձիերից, տուեցին մէկին պահե-
լու, եւ միւսները առաջ դնացին։ Մի քանի բոպէից յետոյ
նրանք գտան վում էին մի փոքրիկ բլուրի գագաթի վրայ,
որտեղից բացուեցաւ նրանց առջեւ մի այսպիսի տեսարան։ —

Մի սարսափելի պարահանդէս էր այդ, որի նմանը
երբէք Դիոնիսիոսը չէ երեւակայել իր բաքոսական բոլոր
անբարոյականութեամբ։ Մի կողմում թմբուկները եւ
զուռնաները ածում էին, մի կողմում պար էին բռնել
այն ձեւով, որ մեզանում կոչվում է եալլի, իսկ
քրուրը կոչում են գունադ։ Պարում էին կանայք։
Նրանք բազմաթիւ էին, եւ մինը միւսի ձեռքից բռնած,
կազմել էին մի երկայն շալք, որ շղթայի նման պտրառու-
լով, ձեւայնում էր մի մեծ բոլորակ։ Բոլորակի մէջ
տեղում ցցած էին երկայն ձողեր, որոնց զլուխների
վրայ վառվում էին ջահեր։ Նաւթի մէջ թաթախած
ցնցոտիքը բոցավառվում էին եւ իրանց ծիրանի շառաւիղ-
ներով լուսաւորում էին պարող կանանց գունաթափուած
երեսները։ Ջահերի մօտ, բոլորակի միջնավայրում, նստած
էին տղամարդիկ եւ դժոխային ոգեւորութեամբ նայում
էին կանանց մերկ շղթայակապի վրայ, որ անգագար
շջում էր նրանց շուրջը։

Երեւում էր, որ այդ ողորմելի արարածները ակա-
մայ եւ ստիպմամբ յանձն էին առել այդ խայտառակ
պարահանդէսը։ Ամօթը, անպատճութիւնը նրանց այն
ասաիծան մոլեգնութեան մէջ էին ձգել, որ իրանց կատա-
ղութիւնը խելագարութեան էր համառում։ Նրանց աչքե-
րում վառվում էին բարկութեան բոցեր, շղթունքները
դողլողում էին տենդային անհանգստութեամբ եւ գունա-

թափ երեսների վրայ երեւում էին սոսկալի ցնցումներ։
Շատերը նրանցից այնքան թուլասիրտ էին, որ չէին
դիմանում անտանելի ցաւին, եւ ուշաթափ լինելով,
ցած էին գլորվում։ — Իսկ այդ բոլորը, որ մարդկային
խղջի վրայ կարող էր ազդել գութ, որ կարող էր ամեն
մի սիրտ, որքան եւ քարացած լինէր նա, մեղմացնել եւ
լցնել նրան առաքինական զգացմունքներով դէպի տկար
եւ գեղեցիկ սեռը, — ընդհակառակն, աւելի բորբոքում
էր գերիշների վայրենի կրքերը եւ աւելի գրգռում էր
նրանց անասնական ոգեւորութիւնը։

Պարը շարունակվում էր իր բոլոր դժոխային խաղ-
արկութեամբ։ Մերկ կանանց շարքը անգագար պարտ-
վում էր թմբուկների եղանակով։ Տղամարդիկ նրանց
բոլորակի միջնավայրում նստոտած, երգում էին, ծափա-
հարում էին, գոռում էին եւ գոչում էին, եւ հերոս-
ներից ամեն մէկը երբեմն իր թաշկինակը ձգում էր
հաւանած կոսջ վրայ, եւ իսկոյն սրտերի հակառակ մի
զյուք — մի հրեշտակ եւ մի դեւ — առանձնանում էր
մերձակայ թփերի մէջ։

Մարդկային անգթութիւնների մէջ չը կայ մի
աւելի սարսափելի բան, քան թէ այն, երբ անմեղ ողջա-
խոհութիւնը զոհվում է կատաղի բռնաբարութեան։
Այսպիսի անգթութիւնն մէջ ընդունակ է մարդը միայն,
բայց գազանները եւ անաստոնները աւելի բարոյական են
իրանց էգերի վերաբերութեամբ։

Մինչ գիշերային մթութեան մէջ, ջահերի լու-
սաւորութեան հանդէպ կատարվում էին այդ անամօթ-
զուարձութիւնները, բլուրի գագաթից անյայտ մարդերի
մի խումբ խորին զգուանքով դիտում էր բոլորը։ Ընթեր-
ցողը արդէն գուշակեց, թէ ովքեր էին զրանք։

— Պէտք է վրայ տալ, ասաց Սարհատը:
 — Շատ են անիծածները, ասաց Դալիթ-Բաբան:
 — Մի եւ նոյն է, եթէ մեզ պէտք էր մի օր
մեռնել, լաւ է, որ այստեղ լինէր, պատասխանեց Սարհատը:

— Բայց դու կը կորցնես Ասլիին, որի համար եկել
ես, ասաց Դալիթ-Բաբան:

— Այս կնիկներից ամեն մէկը նոյնքան մեր ցաւա-
կցութեան արժանի է, որքան Ասլին, պատասխանեց
Սարհատը:

Ազնիւ երիտասարդը մոռացաւ իր անձնական
սէրը, նրան գրաւում էր այժմ կնիկների վերաւորուած
եւ անարգուած պատիւը:

— Պէտք է յանկարծ վրայ տալ, ասաց Դալիթ-Բա-
բան, եւ աշխատել առաջ ջահերը խորտակել. խաւարի
մէջ աւելի հետ կը լինի գործը:

— Երկնքն էլ մեր բախտից ամպում է, ահա լու-
սինը այլ եւս չէ երեւում, նկատեց Քիթաբ-Դալիին:

— Կռուեցէք սրերով միայն, խորհուրդ տուեց Սար-
հատը, — Հրացան գործիքներով աղմուկ կը բարձրաց-
նէք, բանակը շատ հեռու չէ այստեղից. Թող ձայնը
այնտեղ չը հասնի:

Քրդերի մօտ էլ չը կային հրացան գործիքներ. նրանք,
որպէս իրանց տանը, վեր էին առել թրեր եւ դաշոյններ
միայն, եւ այնպէս հեռացել էին բանակից, ամեն մինը
իր հետ բերելով իր զոհը:

Այդ միջոցում Մըստօի դրութիւնը անտանելի էր.
Նա տեսաւ, որ Սարհատը բոլորովին մոռացաւ Ասլիին,
բոլորովին թողեց այն նպատակը, որի համար եկել էր:
Նա տեսաւ, որ այժմ իր սիրելի տէրը ձեռնարկում էր

մի այնպիսի յանդուգն եւ վտանգաւոր գործի, որից
հազիւ կարող էր ողջ դուրս գալ: Ի՞նչ անել. մնալ
նրա մօտ, նրա հետ միասին կռուել եւ նրա հետ մեռնել.
 — այդ շատ էր ցանկանում բարի Մըստօն: Բայց միւս
կողմում, մի աղջիկ, մի նազելի հրեշտակ, որին այնքան
սիրում էր Սարհատը, որին ինքը վաղուց էր ճանաչում,
որ այժմ գտանվում էր շէյխի բազմաթիւ գերի հարե-
մականների մէջ, — եւ այդ թշուառը նոյնպէս օգնու-
թեան կարօտ էր, նոյնպէս պէտք էր ազատել նրան:
Դէպի ո՞րը դիմել: Մի կողմում կանգնած էր իր մանկու-
թեան ընկերը, միւս կողմում — նրա սիրուհին: Նա
ընտրեց վերջինը, եւ առանց յայտնելու Սարհատին միայ-
նակ դիմեց դէպի շէյխի բանակը:

Նրա գնալուց յետոյ անակնակալ յարձակումը կատա-
րուեցաւ կայծակի արագութեամբ: Ճահերը խսկյն խոր-
տակուեցան: Զորի մէջ տիրեց ընդհանուր խաւարը
խորին զարհուրանքի հետ: Սարսափելի կոտորածը
սկսուեցաւ:

Խիստ ահուելի բան է ձեռնամերձ կոիւը, մանաւանդ
նեղ տեղում, այն եւս գիշերային խաւարի մէջ: Մի
այսպիսի օրհասական կռուում սուր երկաթը սոսկալի
գործ է կատարում մարդկային մարմնի հետ: — Կենդանի
մարդը մահ զգեցած, կռուում է մահ գործելու համար:

Մի քանի ժամ կոիւը երկու կողմից եւս շարունակ-
վում էր գազանային յամառութեամբ: Ընդհանուր խոռ-
վութեան մէջ շատ անգամ ընկերը իր սուրը ընկերի
կողքն էր մխում: Յուսահատական դառն աղաղակները
խառնուել էին զէնքերի շահենի հետ: Թէ սպանողը եւ
թէ սպանուածը շաղախուած էին տաք արիւնի մէջ:
Դիակները ուսքերի տակ աւելի եւ աւելի խորտակվում էին:

Չորր կրկին լուսաւորուեցաւ։ Հուսինը դուրս եկաւ միխրագյն ամպերի ետեւից, կարծես, ցանկանում էր ականատես լինել մի գեղեցիկ գործի։ Նոյն միջոցում հանդիսացաւ մի սրտաշարժ տեսարան։ Մերկ կանանց խումբը բաւական էր, որ հասկացաւ, թէ կոփուր իրանց ազատութեան համար է։ — Նրանք կատաղի ֆուրիաների նման իրանք էլ խառնուեցան կոռուի մէջ։ Սարսափելի բան է կնոջ մոլեգնութիւնը, երբ առաջ է գալիս անձնական վրէժիսնդրութիւնից։ Այսպիսի րոպէներում կինը մոռանում է իր կնութիւնը։ Նա դառնում է մահուան հրեշտակ եւ սկսում է իր ձեռքը մխել այն սրտի մէջ, որը անարդար ոտքի տակ տուեց իր պատիւր։ Այն կանաչը, որ մի քանի ժամ առաջ, բռնութեան կոպիտ ձեռքից ստիպուած, յանձն էին առել մի ցած պաշտօն, այժմ, երբ նրանց ականջներին հնչեց ազատութեան ձայնը, — լուեցին իրանց ոտքերի տակ ընկած գերիշների գէնքերը եւ սկսեցին կոտորել կենդանի մնացած գաղաններին։ Պատուի զգացմունքը սկսեց պատերազմել անասնական կլքերի հետ։ Հրեշտակը դեւերի հետ...

Հուսինը կրկին մտաւ ամպերի տակ եւ զիշերային խաւարը քաշեց իր սեւ վարագոյրը։ Տեսարանը ծածկուեցաւ մթութեան մէջ...

Վանայ ծովակի արեւմտեան ափերի մօտ, Սիփան լերան ստորոտներում, մի փոքրիկ վտակի կանաչազարդ եքելքի մօտ, երեւում էին խաչնարածների մի քանի չափրներ, որոնց արտաքին աղքատ կերպարանքը ցոյց էր տալիս, թէ այդ ողորմելի հովիւները չեն պատկանում

Քրդերի բախտաւոր որ եւ իցէ ցեղին։ — Դրանք, հայերից աւելի հալածուած, եղիղների վրաններ էին, որ պատերազմի խոռվութիւնների ժամանակ քաշուել էին այն լեռնային խուլ առանձնութեան մէջ իրանց կեանքը եւ փոքրաթիւ անասունները պահպանելու համար։

Յիշեալ վրաններից մէկի մէջ, որ իր վիճակով չեր զանազանվում միւսներից, Ղանլի-Դարայի սոսկալի կոտորածից մի շաբաթ յետոյ, կարելի էր տեսնել մահծի մէջ պառկած մի տղամարդ, մահուան պէս գունաթափուած դէմքով եւ խորն ընկած մմին աչքերով։ Նա հազիւ կարողանում էր շունչ առնել եւ խիստ դժուարութեամբ էր կարողանում շարժուել մի կողքից դէպի միւսը. երեւում էր, ծանր կերպով վիրաւորուած էր նա։ — Հիւանդը Սարհատն էր։ Նրա բարձի մօտ նստել էր մի օրիորդ մաշուած, վշտահար դէմքով արտասուքով և աչքերով։ — դա լավին էր, որին Ղանլի-Դարայի անցքի ժամանակ Մըստօին յաջողուել էր գողանալ։ Հիւանդի աջ եւ ձախ կողմերում, որպէս տիսրութեան երկու հրեշտակներ, նստած էին երկու ուրիշ աղջիկներ, եւ նոյնիս լաց էին լինում։ — գրանք նրա քոյրերն էին։ Վրանի մի կողմում, աչքերը բռնած, կուչ էր եկել նրանի մի կողմում, իսկ զբում, վրանի մուտքի մօտ նրա փոքրիկ եղբայրը։ Իսկ զբում, վրանի մուտքի մօտ նստած, հեկեկում էր ինքը Մըստօն։ Մի մանկահասակ կին գեղեցիկ սեւորակ աչքերով ոտքի վրայ պտրտվում էր։ — դա Մըստօի կինն էր։

Հիւանդը գտանվում էր հոգեվարքի ծգնաժամի մէջ...

Ղանլի-Դարայի կոռուի մէջ Սարհատի ընկերներից ազատուեցան երեք վիրաւորածներ միայն. միւսները բոլոր ընկան։ Ընկան եւ այն քաջազնուհիներից շատերը, որոնք

բռնաբարութեան բարոյական մահը սրբեցին իրանց ա-
րեամբ . . .

Վերաւոր առիւծը վերջին անգամ բաց արեց աչ-
քերը, նայեց Ասլիի վրայ, նայեց Քոյլերի եւ եղբօր վրայ,
եւ փակեց նրանց . . . Մի ամեն եղաւ նրա վերջին խօսքը . . .

“Դու իմ վրանիս տակն ես մեռնում, ովք քաջ, եւ
իմ վրայ ես թողնում վրէժինդիր լինել քո մահուան
համար — Մըստօն կը կատարէ այդ, . . . ասաց նա հա-
ռաշերվ եւ գրկեց մեռանողի գլուխը:



Հ Օ Ց Ս Ե Ն Տ Ե Ս Ե Լ

ՐԱՖԹԻԻ ՄԱՅԻՑ ՅԵՏՈՅ

ՄԵՐ ՀՐԱՑՈՒՇՈՒԿՈՒԹԵՈՒԹԻ

բարձր

- | | | | |
|-----|---|--------------------------------------|-----|
| 1. | “ՀԱՅ ԿԻՆԸ ԵՒ ՀԱՅ ԵՐԻՏԱՍԱՐԴՈՒԹԻՒՆԸ, | (սպառուած) | —. |
| 2. | “ԽԵՆԹԸ, ԵՒ “ԶԱԼԱՎԵԴԻՒՆ,” ՄԻ ԳՐՔԻ ՄԵՂ ամ- | փոփուած, Բ. տպագր. (սպառուած) | —. |
| 3. | “ԴԱՏԻԹ-ԲԵԿ,” ՀՄՐ. Ա. Բ ԵՒ Գ ՎԵՐՋԱԲԱՆՈՎ, | Բ տպագր. (սպառուած) | —. |
| 4. | “ՄԻՆՆ ԱՅՍՊԵՍ, ՄԻՒՄՆ ԱՅՆՊԵՍ”, պատկերա- | զարդ վեպ (սպառուած) | —. |
| 5. | “ԿԱՅԵՐԵՐԻ,” Ա. ՀՄՐ. Բ. տպագր. (սպառուած). | —. | |
| 6. | “ԿԱՅԵՐԵՐԻ ՎԵՐՁԸ” (սպառուած). | —. | |
| 7. | “ՎԵՊԻԿՆԵՐ ԵՒ ՊԱՏԿԵՐՆԵՐ ՀՄՐ. Ա. (սակաւ.) | 2.— | |
| 8. | “ՎԵՊԻԿՆԵՐ ԵՒ ՊԱՏԿԵՐՆԵՐ ՀՄՐ. Բ. (սակաւ.) | 2.— | |
| 9. | “ԱՐԺԻԻ ՎԱՍՊՈՒՄԱԿԱՆԻ” (սպառուած). | —. | |
| 10. | “ԽԱՄՍԱՅԻ ՄԵԼԻՔՈՒԹԻՒՆՆԵՐԸ” Բ. տպագր. | (սպառուած) | —. |
| 11. | “ՊԱՐՈՅՐ ՀԱՅԿԱՁՆ,” (սպառուած) | —. | |
| 12. | “ՈՎ ԷՐ ՄԵԼԱՒՈՐ,” (սպառուած) | —. | |
| 13. | “ԶԱՀՐՈՒՄԱՐ. ՎԵպ” | —. | 2.— |
| 14. | “ՏԱԶԿԱՀԱՅՔ” | —. | 50 |
| 15. | “ԽԱՅԱԳՈՂԻ ՅԻՇԱՏԱԿԱՐԱՆԸ, ՀՈՐԱ մասերը ՄԻ | ԳՐՔԻ ՄԵՂ ամփոփ. Բ. տպագր. (սպառուած) | —. |
| 16. | “ՈՍԿԻ ԱՔԱՂԱՎԸ, Բ. տպագր.” | —. | 1.— |
| 17. | “ՂԱՐՍԲԱՂԻ ԱՍՏՂԱԳԵՏԸ, Բ. տպագր. (սպառ.) | —. | 1.— |

18.	"ՍԱՄՈՒԵԼ", Ա. Բ. Եւ Գ., հատորները մի գրքի մէջ ամիսովուած, Բ. տպագր.	բուբլի
19.	"ԴԱՏԻԹ-ԲԵԿ", Հար. Ա. Բ. Եւ Գ. վերջաբանով, Գ. տպագր.	3.50
20.	"ԿԱՅԾԵՐ", Ա. Հար. Գ. տպագր.	2.—
21.	"ԿԱՅԾԵՐ", Բ. Հար. Եւ վերջ, Բ. տպագր.	3.—
22.	"ԽԵՆԹԸ", Եւ "ԶԱԼԱԼԵԴԻԴԻՆ", մի գրքի մէջ ամէ ^շ փոփուած, Գ. տպագր.	2.—
23.	"ԶԱԼԱԼԵԴԻԴԻՆ", առանձին, Գ. տպագր.	—.50

Հրատ. ԱՅՐԻ ԱՆՆԱ ՐԱՖֆի

Mme. Raffi

32, Richmond Gardens, Shepherd's Bush, London, W. (England).

ՀԵՏԵԿԵԱԼ ՍՊԱՐՈՒԱՇ ԵՒ ԱՆՏԻՊ ԱՇԽԱՏՈՒԹԻՒՆԵՐԸ


1. "ՍԱԼԲԻ" Ա. Բ. Եւ Գ. մեծագիր հատորներ (անտիպ):
2. "ԽԱՉԱԳՈՎԻ ՅԻՇԱՏԱԿԱՐԱՆԸ", Հար. Ա. Բ. Գ. Եւ Գ.:
3. "ԽԱՄՍԱՑԻ ՄԵԼԻՔՈՒԹԻՒՆՆԵՐԸ":
4. "ՂԱՐԱԲԱՂԻ ԱՍՏՂԱԳԻՏԸ":
5. "ՀԱՅ ԿԻՆԸ ԵՒ ՀԱՅ ԵՐԻՏԱՍԱՐԴՈՒԹԻՒՆԸ":
6. "ԱՐԺԻՒ ՎԱՍՊՈՒՐԱԿԱՆԻՒ":
7. "ՄԻՆ ԱՅՍՊԻՍ ՄԻՒՄՆ ԱՅՆՊԻՍ":
8. "ԲԱՆԱՍՏԵՂԾՈՒԹԻՒՆՆԵՐ", (անտիպ Եւ սպառուած):
9. "ՃԱՆԱՊԱՐՀՈՐԴՈՒԹԻՒՆՆԵՐ", (անտիպ Եւ սպառուած):
10. "ՀՐԱՊԱՐԱԿԱԽՈՍՈՒԹԻՒՆՆԵՐ", (անտիպ Եւ սպառուած):
11. "ՔՆՆԱԴԱՏՈՒԹԻՒՆՆԵՐ", (անտիպ Եւ սպառուած):
12. "ՎԵՊԻԿՆԵՐ ԵՒ ՊԱՏԿԵՐՆԵՐ", Հար. Գ. (անտիպ Եւ սպառ.):
13. "ՆԱՄԱԿՆԵՐ", (անտիպ):
14. "ԱԶԳԱՅԻՆ ՀԱՄԱՌՈԾ ՊԱՏՄՈՒԹԻՒՆ", Եւայլն, Եւայլն:

ՐԱՖֆիի ի

ՎԱՐԺԱՋԵԼ Բ ԳՐԱՅԻՐ ԸՆ

1. "ՍԱՄՈՒԵԼ", Հար. Ա. Բ. Եւ Գ. մի գրքի բուբլի շլենգ
մէջ ամիսովուած, Բ. տպագրութիւն 3.50 8
2. "ՎԵՊԻԿՆԵՐ ԵՒ ՊԱՏԿԵՐՆԵՐ", Հար. Ա. 2.— 4½
3. "ՎԵՊԻԿՆԵՐ ԵՒ ՊԱՏԿԵՐՆԵՐ", Հար. Բ. 2.— 4½
4. "ԶԱՀՐՈՒՄԱՐ, վեպ 2.— 4½
5. "ԿԱՅԾԵՐ ԿՏԱԿԸ", 1.20 2½
6. "ՏԱԶԿԱՀԱՅՔ", —.50 1
7. "ՈՍԿԻ ԱԲԱՂԱՂԸ", Բ. տպագր. 1.— 3
8. "ԴԱՏԻԹ-ԲԵԿ", Հար. Ա. Բ. Եւ Գ. վերջաբանով,
Գ. տպագր. 3.50 8
9. "ԿԱՅԾԵՐ", Հար. Ա. , Գ. տպագր. 2.— 5
10. "ԿԱՅԾԵՐ", Հար. Բ. Եւ վերջ, Բ. տպ. 3.— 7
11. "ԽԵՆԹԸ", Եւ "ԶԱԼԱԼԵԴԻԴԻՆ", մի գրքի
մէջ ամիսովուած, Գ. տպագր.. 2.— 5
12. "ԶԱԼԱԼԵԴԻԴԻՆ", առանձին, Գ. տպագր. —.50 1½





1
6 w



59.389